



服部文庫  
117  
380  
4





117  
380  
4

禪林類聚四之目錄

第十六 法器 槌拂 數珠 餅錫 杖笠 鏡扇

第十七 器用 刀劍 弓箭 骨董

第十八 糧食 齋粥 餬餅 五味 茶湯

摘茶附 蔬菜

第十九 田地 草木竹附 花果 香燭 搬掃 柴薪

四目錄

禪林類聚四

享和元酉年七月

右靈泉院元三印借用


書之良德修

卅



第二十 獅子像 龍虎 牛鹿 猫犬 龜魚

電蛇 飛走



釋林類聚卷第四



法器

禪拂

數珠

鉗錫

杖笠

鏡扇

百丈海禪師因普請鋤地次有一僧舉起鋤頭忽聞鼓鳴  
乃拋下大笑便歸師云俊哉此是觀音入理之門歸院乃  
喚其僧問適來見甚麼道理便與麼云適來水飢聞鼓聲  
歸與飯去師乃笑 馮山一日見火頭聞木魚聲放下火  
抄拊掌大笑酬詰同前香嚴錄亦有 卧龍云當時馮山會  
東使云當時馮山會裏無一人 擊圓通徹大千大笑  
裏有一人 水庵一頌云孰云意在鑿頭邊一擊圓通徹大千大笑



低頭歸去後飢餐且莫與人傳

普化禪師居常入市振鐸云明頭來暗頭打暗頭來暗頭打四方八面來旋風打虚空來連架打一曰臨濟令僧捉住云或遇不明不暗來時如何師杜開云來日大悲院裏有齋僧回舉似濟濟云我從來疑著這漢  
五祖演云若是五祖即不然有人問總不恁麼來時如何和聲便打是他須道五祖有柳瞎棒我只要你恁麼道何故一任舉似諸方破庵先云這風顛漢不務令人疑著及至被人窮詰將來却只道得箇羅齋打供也似點點難忘若是廣壽即不然待他道總不恁麼來時如何便與攬曾扭住云道道若是皮下有血管取價增十倍

汾陽昭頌云老倒分明兩路差箭鋒相拄勿啗斜龍蛇混雜人難辨白日長空下雪花海印信云明暗俱打誇無上檢住方知無伎倆伎倆無亂稱呼至今誰解辨真虛佛智裕云高堂公子醉雙陸亂撒明珠發異光一擲輸贏誰辨得蒲盤散子不成雙鼓山珪云樓羅須要逞聰明金榜何曾得掛名拈下幪頭歸去好莫騎驢子傍人門

曹山本寂禪師聞鐘聲乃云阿耶耶阿耶耶僧云和尚作甚麼師云打著我心長向一事喻云輸法道云真箇是甚五祖戒云作賊人心虛古德頌云聞鐘便道打余心語淺分明理事深上流默默點頭笑可謂真箇不博金



永山設禪師垂語云習學謂之聞絕學謂之隣過此二者謂之真過僧出問如何是真過師云解打鼓云如何是真諦師云解打鼓又問即心即佛則不問如何是非心非佛師云解打鼓云如何是向上事師云解打鼓云萬法齊興持如何師云解打鼓

雪竇顯頌云一拽右二搬土發機須是千鈞弩象骨苦者苦投子青云布毛拈處費人言爭似永山一句傳打鼓一聲誼宇宙冰寒千丈忽生蓮

幽棲幽禪師一日斂鐘上堂大眾纒集師乃問甚麼人打鐘僧云維那師云近前來僧便近前師遂打一掌却歸方丈卧

投子青云然自急須逃古今皆有行窮絕處試問傍人  
不惜下情果然獲有既從相問急密端由不顧危亡得  
他假難雖獲小利也是暗地傷人不為好手這僧雖然  
失利蓋為自不守分致禍臨身未為分外然雖如是終  
是平人橫遭羅網自有傍人證據在且道證據箇甚事  
乃云東家不丁西舍受殃復頌云驀路相逢借問由寸  
心莫便與他酬雖然重擔教人代終是慚顏暗地羞  
梁山觀禪師僧問如何是空劫已前事師云擊動乾坤鼓  
時人聽不聞  
丹霞厚頌云虛空為鼓須彌槌擊者雖多聽者稀半夜  
彌巖驚破夢蒲頭明月不思歸

槌排



世尊入滅迦葉昇須彌山頂擊銅鑊椎普集諸聖於金剛  
窟中結集世尊所說教法

青原思禪師因石頭參師問爾從甚處來云曹溪來師豎  
起拂子云曹溪還有這箇麼云非但曹溪西天亦無師云  
子莫曾到西天不云若到即有也師云未更道云和尚  
也須道取一半莫全靠希遷師云不辭向汝道恐已後無  
人承當

投子青頌云白雲藏玉鳳紅日照無家隱隱星攢處無  
私鎮九霄

百丈海禪師再參馬祖祖豎起拂子師云即此用離此用  
祖掛拂子於舊處良久云爾向後開兩片皮將何為人師  
取拂子豎起祖云即此用離此用師亦掛拂子祖振威

下喝師直得三日耳聾後因黃檗來參舉此話黃檗不覺  
吐舌小異

汾州云悟去便休得說甚麼三日耳聾石門聰云若  
不三日耳聾何得悟去汾州云我與麼道較他石門半  
月程雪竇顯云奇怪諸禪德如今列其派者甚多究  
其源者極少總道百丈於喝下大悟還端的也無然才  
刀相似魚魯參差若是明眼漢護他一點不得只如馬  
師道爾向後開兩片皮將何為人百丈豎拂為復如蟲  
禦木為復啼喙同時諸人要會三日耳聾麼本台精金  
應無變色東林惣云當言不避截舌當爐不避火逆  
佛法豈可曲順人情東林今日向驪龍窟內爭珠去也  
百丈大智不無他三日耳聾汾州石門爭免箇二隻眼



漢只這三箇老還曾悟也無良久云祖禪不<sub>レ</sub><sub>レ</sub>映及兒  
孫 泐潭英云大衆且道馬祖當時是百丈悟了喝不  
悟了喝衆中有檢點得出來道者山僧爲你證明若無  
山僧今日不惜眉毛爲你註破良久云前三三後三三  
雲蓋智云發大機顯大用非馬祖而誰能即此用離此  
用獨百丈而得其旨爲甚麼被馬祖一喝直得三日耳  
龍妻會麼不入驚久浪難尋稱意魚  
保寧勇頌云木馬踏殺天下人泥龍飲竭滄溟水霹靂  
滿空山嶽摧看看平地波濤起 天寧璉云放去拈來  
更是誰青山時見白雲歸孤峰坐斷無餘事翻笑蟾輪  
對落暉 無盡居士云馬駒一喝大雄峰聲入觸躡三  
日聳黃檗聞之驚吐舌江西從此立宗風 上方益云

雨霽遊雲尚未歸晴空忽地一聲雷嶺梅已得春消息  
不比山桃一例開 照覺總云未明大智再參尋相逐  
相隨用不任斷浪絕流全體現 一篲三日孰知音  
仰山寂禪師因龐居士問久響仰山到來爲甚麼却覆師  
豎起拂子士云恰是師云是仰是覆士指露柱云雖然無  
入也要露柱證明師擲下拂子云一任舉似諸方  
白雲端頌云兩箇个文爲十六從頭數過猶不足擎雲  
亂撒向堦前蒲地團團苔綠 保寧勇云賊偷賊物  
太希奇矣手還他火伴知今日併贖齊捉獲得便宜是  
落便宜 仰山語其妻負山黃髮出叢林云不<sub>レ</sub><sub>レ</sub>成  
臨濟玄禪師辭黃檗檗問甚麼處去師云不是河南便是  
河北檗便打師約住棒遂與一掌檗呵呵大笑喚侍者將



先師禪板拂子來師召待者云將火來磔云汝但將去已後坐却天下人舌頭去在

鴻山問仰山臨濟莫辜負他黃檗也無仰云不然鴻云子作麼生云知恩方解報恩鴻云從上真有報恩事不仰云有只是年代深遠不欲舉似鴻云雖然如是吾且不知子但舉者仰云如楞嚴會上阿難讚佛云將此深心奉塵刹是則名爲報佛恩豈不是報恩之事鴻云如是如是見與師齊戒師半德見過於師方堪傳授

海印信頌云師資叙別意非遙禪板持來命火燒佛祖已靈猶不重信行餘長執擎挑

首山因拖竹篋示眾云汝等諸人若喚作竹篋即觸不喚作竹篋即背汝諸人且喚作甚麼時樂縣省和尚在會於言下大悟乃近前制竹篋拗作兩截擲于地下却云是甚麼師云瞎縣便設拜

徑山杲頌云背觸非違護明明直舉揚吹毛雖不動遍地是刀鋒鼓山珪云舉起竹篋子如何便到家秘魔首巖不會隨後便擎叉枯木元云不觸又不背徒勞生云擬議開口更商量白雲千萬里東林願云罵他還自罵嗔他還自嗔戒之慎之出乎爾者返乎爾者也此庵靜頌云千山飛鳥絕萬徑人跡滅

孤舟蓑笠翁獨釣寒江雪  
數珠  
大顛通禪師因韓文公相訪問師春秋多少師提起數珠云會麼公云不會師云晝夜一百八公罔措遂回宅快



而已未久乃問侍郎情思不懼復有何事公遂舉前話末  
人云何不進云晝夜一百八意旨如何公明日凌晨遂出  
至門首乃逢首座座問侍郎入寺因何太早公云特去堂  
頭通話座云堂頭有何因緣開示公舉前話座云侍郎怎  
生會公云晝夜一百八意旨如何座乃扣齒三下公復至  
堂頭又進前語晝夜一百八意旨如何師亦扣齒三下公  
云信知佛法一般師云見甚道理乃云一般公云適來門  
首接見首座亦復如是師遂喚首座問適來祇對侍郎佛  
法是不座云是師便打趁出院

保福展云首座知前不知後大顛令不單行淨泉云  
大顛前頭驚殺人後頭笑殺人當時若盡令而行這僧  
也著出院然管中窺豹只見一斑

汾陽那頌云解展機鋒是大顛明知不是小因緣一般  
扣齒叢林異出院韓公始得開黃龍南云宗師一等  
展家風盡情施設為韓公獅子窟中無異獸象王行更  
絕孤蹤保寧勇云一步纜行兩步移門前驚起鳳凰  
兒柄蹤不在梧桐樹群鳥東西空遶枝佛國白云佛  
法無別好商量門前扣齒便承當一般出院難分雪疑  
殺唐朝韓侍郎海印信云潮者如山觀者如市本分  
弄潮人出沒如遊戲可憐不是弄潮人徃徃須向潮中  
死

○餅錫

南泉願禪師見鄧隱峰來指淨餅云淨餅是境餅中面水  
你不得動著境與我將水來峯將淨餅傾水於師面前師



便休去

歸宗云登隱峯也是亂瀉 黃龍心云信知道急行不至緩行太過南泉亦好箇話端要且不能圓就既是能吹亦須能拍若不能拍吹者徒勞甚處是隱峯亂瀉處具參學眼試檢點看

鼓山珪頌云南泉不指淨鉢隱峯何曾瀉水從教打尾鑽龜佛法不在這裏 徑山杲云眼中無翳休挑剔鏡上無塵不用磨信脚出門行大路橫拄杖唱山歌 鹽官安國師因僧問如何是本身盧舍那師云與老僧過淨鉢來僧將淨鉢至師云却安宿處著僧安了復來問如何是本身盧舍那師云古佛過去久矣

雲門云無朕迹 雪竇顯云直得下手指天 下手指地

爭得無還會麼雲在領頭水不徹水流澗下太忙生 大瀉詰云山僧不然忽有人問但云大眾歸堂去若人向大瀉問下薦得古釋迦不先新彌勒不後且道轉身下向你麼生道良久云明年更有新條在惱亂春風幸未休 開福寧云先賢垂範語直如絃衲子奔波剛然不顧山僧今夜等是無端試與諸人評議這僧只知向前不覺蹉路國師慈悲廣大檢點將來弄巧成拙且道利害在甚麼處還委悉麼粉骨碎身未足酬一句了然超百億 草堂清云問來谷去暗裏投機識者荆棘俱為梁棟不識者醍醐翻成毒藥 上方益頌云兩手分明過淨鉢不知身已在隍城直饒便具金剛眼也較瀉山半月程 天童覺云鳥之行空



魚之在水江湖相忘雲天得志擬心一絲對面千里知  
恩報恩人間幾幾

麻谷徹禪師持錫到章敬處作禮遶禪牀三巾振錫而立  
敬云是是師又持錫至南泉處遶禪牀三巾振錫而立泉  
云不是不是師云章敬道是和尚為甚麼道不是泉云章  
敬則是是汝不是此乃風力所轉終成敗壞

長慶稜代前語云和尚佛法身心何在又代後語云和  
尚是甚麼心行保福展別但振錫一下出又拈云章  
敬南泉可謂一是一非又云麻谷依稀似曲纒甚聽又  
被風吹別調中雲居錫云章敬未必道是南泉未必  
道不是又云這僧當時假持錫出去恰好雪竇顯代  
兩處云錯大鴻詰云章敬道是落在麻谷穀中南泉

道不是亦落在麻谷穀中大鴻即不然忽有人挂錫遶  
禪床三巾卓然而立但向伊道未到這裏好與三十棒  
汾陽昭頌云章敬南泉路似殊明明道理話親疎多人  
不用磨金鏡漢自漢兮胡自胡指月迷津迷自指示君  
持錫却如無雪竇顯云此錯彼錯切忌拈却四海浪  
平百川潮落古策風高十二門門門有路空蕭索非蕭  
索作者好求無病藥保寧勇云顏色規模恰似真人  
前拈弄越光新及乎入火重烹試到了須歸是假銀  
圓悟勤云如是不是去却藥忌擬犯封疆全軍失利杖  
頭突出古菱花舉世風流出當家佛盡歡云昨日出  
都門忽逢一商旅一指我南行一指我北去南行有官  
船過渡北去有車馬大路雖然南北不同途都在中華



一國士

道吾智禪師因石霜問百年後有人問極則事向他道甚  
麼師喚沙彌彌應諾師云添淨鉢水著師良久却問石霜  
適來問甚麼霜擬再舉師便歸方丈霜於此有少省

卅震淳頌云垂手還他作者機尋常語裏布鎗旗重詢  
擬進歸方丈一句分明更不疑

○杖笠

百靈禪師一日路次見龐居士乃問昔日南嶽得力句曾  
舉向人麼士云曾舉來師云舉向甚人土以手自指云龐  
公師云直是妙德空生也讚之不及士却問師得力句是  
誰得知師便戴笠子而去士云善為道路師一去更不回  
首

佛鑑勲云諸禪德古人相見差之毫釐失之千里龐公  
好語舉似人不著翻成死語百靈向思當裏賣瘦一  
期也被賣得過雖然如是如人飲水冷暖自知徑山某  
外云這箇話端若不是龐公幾乎錯舉似人雖然如是百  
靈輸他龐公一著何故當時若不得箇破笠遮却觸體  
有甚面目見他龐公

黃蘗運禪師因普請次南泉云如許大身材戴箇此兒大  
笠師云三千大千世界總在裏許泉云王老師你師戴笠  
便行

佛眼遠頌云相見錦江頭相攜上酒樓會醫還少病知  
分不多愁

香巖閑禪師初開堂日瀉山令人送拂子拄杖并書到師



接了便哭蒼天蒼天僧便問和尚為甚如此師云只為春  
行秋令

汾陽昭頌云拄杖將來便徹心淚流不覺思沈吟春行  
秋令人驚恠絕後光前越古今 踈山如云家世拄杖

蓋佛祖付囑瀉山寄來香巖發哭父子投機陽春雪曲不  
黃是知音大難相續 正覺逸云接得杖哭蒼天不言絕

後與光前春行秋令人難會踏破草鞋鞋底穿  
芭蕉情禪師示眾云你有拄杖子我與你拄杖子你無拄  
杖子我奪却你拄杖子

大鴻結云大鴻即不然你有拄杖子我奪却你拄杖子  
你無拄杖子我與你拄杖子大鴻既如是諸人還用得

也未若人用得德山先鋒臨濟後令若也用不得且還

本主

開福寧云覺海大似量才補職度脚買鞋要見

芭蕉還應未可新報慈即不然你有拄杖子我與你拄  
杖子君子愛財取之有道你無拄杖子我奪你拄杖子

恩深轉無語懷抱自分明或有人問離此一途如何是  
報慈拄杖子良久云如今卓向須彌頂六臂二頭未許

看 法石空云要識芭蕉用處更將歸去夢說與汝  
行人 天童覺云你有則一切有你無則一切無有無

自是當人與奪關芭蕉甚事正恁麼時你麼生是你拄  
杖子

投子青頌云有無今古兩重關正眼禪人過者難敘通  
大道長安路莫聽崑崙說往還 保寧勇云你有面前  
拈取去如無背後奪將來可憐黑漆光生底擊著子門



萬戶開正覺逸云芭蕉示眾世無隣與奪縱橫不易  
親兩散雲收何處去空令遊子淚沾巾 文殊道云有  
無與奪太說說拄杖當途不奈何好把斜橫橫橫咄  
令就上長枝柯 枯木成云縱奪臨機得自由相逢切  
忌更擡眸轉身必合知時節擬議山藤便到頭  
善崔禪師嘗陞堂拈拄杖云出來打出來打時有僧出云  
崔禪師擲下拄杖便歸方丈  
法燈欽云和尚且自救好是肯他不肯他 五祖戒云  
便推倒禪牀 歸宗一云作麼生道得一語救得崔禪  
琅琊覺云久經行陣者終不展旗鎗 雲蓋智云此挨  
白刃不懼死生須是這僧始得崔禪為甚麼當機放過  
要會麼金鱗已得休勞力收取絲綸歸去來

保寧勇頌云鎖鑰橫按寶光寒俠客囉羅敢正看飛過  
青霄聲震吼乾坤直得黑漫漫  
雲門偃禪師拈起拄杖舉教中道九失實謂之有二乘拈  
謂之無緣覺謂之幻有菩薩當體即空乃云納僧見拄杖  
但喚作拄杖行但行坐但坐總不得動著  
鼓山珪頌云二乘菩薩何年盡諸佛凡夫早晚休世事  
但將公道斷人心難似水長流 徑山杲云剔開金殿  
鎖撞動玉樓鐘泣露千般草吟風一樣松  
垂兩拈拄杖示眾云拄杖子化為龍吞却乾坤了也山河  
大地甚處得來  
黃龍心云明眼宗師至今猶在忽若有箇漢出來道這  
箇是拄杖子山河大地有甚過也許伊具一隻眼



雪竇顯頌云挂杖子吞乾坤徒說桃花浪裏奔燒尾者  
不在望雲擢霧騰鯨者何必喪膽忘魂拈了也聞不聞  
大直須灑灑落落休更紛紛紛紛七十二棒且輕怨一百  
五十難放君師驀拈挂杖下座大眾一時走散石霜  
云石霜挂杖化為龍吞却乾坤在手中黃面瞿曇空眼  
眼百千菩薩盡驚吐

蓮華峯庵主拈挂杖示眾云古人到這裏為甚不肯住眾  
無對自云為他途路不得力復云畢竟如何又自云擲標  
橫擔不顧人直入千峯萬峯去

佛眼遠橫按挂杖於有上昂聲喚云和尚和尚又云闍  
國人道不再來千古萬古空相憶 天童覺云負人不  
負出本色住山人思大吞盡諸佛普眼不見普賢且道

病在甚麼處驀拈挂杖卓一下云官不容針私通軍馬  
雪竇顯頌云眼裏塵沙耳裏土千峰萬峯不肯住落花  
流水太茫茫剔起眉毛何處去 本覺一云作者寧其  
在半途半途不任意如何橫肩挂杖千峰去雲木何人  
時見得渠

保壽恩禪師上堂拈起挂杖云得自天台絕比倫從來無  
兼又無根有時扶過斷橋水幾度伴歸明月村然雖如是  
也不得放過擊禪牀一下便下座

丹霞淳頌云此杖不從天地得登山涉水承渠力如今  
擲向亂峯前免致叢林為軌則

雲蓋鵬禪師謁雙泉雅禪師雅令充侍者示以芭蕉挂杖  
話久無省發一日雅向火次師侍立雅忽問挂杖子話試



舉來與子商量師擬舉雅慈火筋便撥師豁然大悟  
白雲端頌云與奪雙行驗正邪纏爭拄杖便忘家墓然  
鐵棒如風至失却從前眼裏花

○鏡扇

南嶽讓禪師居南嶽時馬祖在彼住庵日唯坐禪師因往  
問云在此何為祖云坐禪師云坐禪何所圖祖云圖作佛  
師一日將靴一片於庵前磨祖云磨此何為師云要作鏡  
祖云磨靴豈得成鏡師云坐禪豈得成佛祖云如何即是  
師云如人駕車車若不行打車即是打牛即是祖於是悟  
旨於言下遂印心傳法苻西祖之識馬駒踏殺天下人之  
語南宗闡於江西

汾陽昭頌云磨靴作鏡墓同音來問分明示本心纔喚

禾人回面指犁牛耕出古皇金 保寧勇云死馬醫來

無用處車半腦後更加鞭皮穿肉綻還知不任重應須

角力全 佛印元云磨靴作鏡不為難忽地生光照笑

千堪笑坐禪求佛者至今牛上更加鞭 佛燈珣云坐

禪成佛心中病作鏡磨靴眼裏花一掣牢關金鎖斷等

閑信步便歸家馬駒子實堪誇自從胡亂後著處是生

涯 吳古佛云磨靴作鏡象席打令一切魚龍知水為

命

鹽官安國師一日喚侍者將犀牛角子來者云破也師云  
扇子既破還我犀牛角兒來侍者無對

投子代云不辭將出恐頭角不全雪竇顯又拈云我要

不全底頭角 石霜代云若還和尚即無也雪竇又云



犀牛兒猶在 保福代云和尚算年別請人好雪竇又云可惜勞而無功 資福代依圓相於中書牛字雪竇又云適來為甚不將出 雪竇復拈云若要清風再復頭角重生請諸禪客下一轉語乃問扇子既破還我犀牛兒來時有僧云大衆參堂去師喝云拋鉤釣鯢鯨釣得箇蝦蟆 雪竇頌云犀牛扇子用多時問著元來總不知無限清風與頭角盡隨雲雨去難追 白雲端云可憐一柄犀牛角護道魯道已破除無限清風隨手處卓然頭角出 靈區 天童覺云扇子破索犀牛圈圖中字有來由誰知桂叢千年魄妙作通明一點秋 佛燈珣云犀牛扇子用多年歷掌清機授手傳頭角十全收拾取兩餘風

月滿長川 祖印明云老師底死索犀牛用處其誰得自由待者不知頭角具鼻根繩索被他收 尊堂清云明月冷相照清風卒未休鹽官無限意何用直犀牛 仰山寂禪師住東平時為山附書并鏡一面至師降座授書乃提起鏡示衆云大衆為山將鏡來而今且道是為山鏡東平鏡若道是東平鏡又是為山寄來若道是為山鏡又在東平這裏道得即存取道不得即打破去也如是三舉衆皆無對師乃撲破 五祖戒代云更請和尚說道理者驀奪打破 汾陽昭頌云仰山接得為山鏡告衆拈來行正令憐懂 禪流眼不開仰山直下驀頭釘 洞山聰云提起分明 照正邪衆人皆不登唇牙譬如賣物無人買最後須歸



本主家 保寧勇云瀉山古鏡仰山提日上東方月落  
西撲落不知誰拾得秋風索索草裏露 智海清云全  
放全收意亦優瀉山送至仰山頭可憐一片如秋水三  
問無人撲破休 佛心才云父子相傳鏡絕塵須知秋  
夕不同輪可憐無限迷頭者錯認空花鏡裏春  
高亭簡禪師初見德山在江岸坐即隔江問訊山以扇招  
天師忽然契悟橫趨而過更不渡江遂返高亭住持法嗣  
德山  
徑山泉云高亭橫趨而去許伊是箇劍利衲僧若要法  
嗣德山即未可何故猶與德山隔江在  
古德頌云德嶠有此陣滯幾幾度瞞人瞞不過高亭幸  
自可憐生隔岸無端遭染污

廣德義禪師僧問久負不逢時如何師云肩挑又師遇  
巷莫能收  
卍霞溥頌云妙體堂堂相分全青霄獨步躡金蓮千花  
臺上偈慵坐弊垢瀾衫豈肯穿  
天衣懷禪師僧問古鏡未磨時如何師云撐天拄地云若  
後如何師云夕陽影裏快藏身  
南松源岳頌云拄地撐天合休用夕陽影裡不藏身  
獨坐孤峯頂寂寂猶聞落葉頻

禪林類聚卷第十六



釋林類聚卷第十七

新林雜器用

確磨車附

刀劍

弓箭

骨董

○器用

確磨車附

南泉一日在山上作務有僧過問師南泉路向甚麼處去  
 師拈鎌子云我這草鎌子三十文錢買得僧云不問某鎌  
 子三十文錢買得南泉路向甚麼處去師云我使得正快  
 松源云南泉門前活路子八字打開這僧肚裏惺惺  
 伴輩詐症當時若見南泉道我使得正快便乃轉身下  
 巷步云賺我來大小南泉也須倒退  
 費大為詰頌云問路分明指路頭青蚨三十不輕酬用時

最快無機巧無味之談塞眾流

圓通倦云節鎌三十

文錢買靦面高提第一等直下便知歸去路也須更上

臨一層樓照覺總云節鎌使得快如風三十青蚨建太

下功南泉向上路難到到者方知觸處通道場如云忽

拈忽禪客問南泉疑段徒勞痛下鞭今日為君重漏泄翻

飛翻孤雁下遙天天童覺云我這鎌子用得快當時三

十文錢買南泉門下路歧通寄語行人著精彩

龐居士因賣竹擔籬下橋喫撲女子靈照一見亦倒翁邊

士云你作甚麼女云見爺倒地某甲相扶士云賴是無人

見黃龍南頌云憐兒不覺笑嗔嗔却於中路駭泥沙黃龍

老漢當時見一棒打殺這冤家應庵華云居士倒地



靈照扶起乞兒伎倆討甚巴鼻

趙州論禪師僧問道人相見時如何師云呈漆器

具雪實顯云諸禪德還有識趙州底麼出來相共商量若

未能辨明大好從頭舉與你點破四九三十六

南堂靜頌云作家相見時堂堂呈漆器烏龜落漆桶也

有第一義

趙州因尼問離卦上來說處請和尚指未師出云煨破鐵

餅尼將鐵餅添水來云請和尚答話師乃笑

石霜諸禪師僧問如何是和尚深深處師云無鬚鎖子兩

頭搖

黃龍新云石霜老禿不識好惡鎖既無鬚即無兩頭既

無兩頭搖箇甚麼良久云青山無適莫白雲任卷舒

投子青頌云三更月落兩山明古道程遙苔滿生金鎖

搖時無手犯碧波心月兔常行保寧勇云無鬚鎖子

卒難開枯木堂中莫亂猜千古兩頭搖不動待他鱗角

衲僧來

清平道禪師僧問如何是大乘師云井索僧云如何是小

乘師云錢貴云如何是有漏師云紫羅云如何是無漏師

云木杓

琅琊覺頌云有漏紫羅無漏木杓炬燵禪和妄生小度

剎利座主何處摸索金牙解使神劍李廣箭穿雙鵝

無盡居士云二乘諸漏扣空王雪後那堪半夜霜秦漢

旌旗度沙漠唐虞黼黻拱巖郎法雲秀云大乘小乘

井索錢索有漏無漏紫羅木杓直下承當鼻孔失却



南華島云：竹籬木杓，錢貫井索，打瓦鑽，徒勞下度，麒麟只有一隻角。天童覺云：竹籬木杓，錢貫井索，見成家風，受用廓落，生涯放得信緣，看佛法更於何處著，不用安排，只麼從自然心地常安樂。雪峯存禪師出，出開山之後，衆盈千五百人，師以三木毬，接人，凡有僧來參，輒出示之。

智門祿頌云：雪峯毬，孰辨機，一千五百幾人知，照起眉毛千萬里，須是吾門獅子兒。天衣懷云：天兮寬地兮闊，雪峯毬幾何，但一毬直上須彌山，無量人天眼，開豁脫却多年臭皮袋，步行走馬到新羅，報道花須連夜發。佛國白云：雪老平生好毬，來輒去輒無休，一千五百人同戲，誰解輸機，賽一籌。夢庵信云：收來

輒去事方圓，獨許漁郎上釣船，明月蘆花同一色，落霞孤鷺共遙天。

雪峯因僧與造龕子了，白師云：和尚龕子成也，師云：昇將向堂前，著僧昇來，師纔見便問：大眾有人道得，第一句，即留取，如是再問，時有僧出云：某甲答和尚師便喝云：莫弄涕，便將龕子燒却。

雪峯因玄沙問：某甲如今大用去，和尚作麼生，師遂將三箇木毬，一時拋出，沙遂作斫牌勢，師云：你親在靈山方得如此，沙云：也即是自家底。雪峯一日降座，衆集定，乃輒出木毬，玄沙遂去捉來，對窟處著。

白雲端云：此箇時節，衆中皆言：子父共作一木事，如此。



見解還夢見也未海會今日布施諸人乃云濃研香翰  
深蘸紫毫

雪峯謂玄沙云我時時全機提持把三箇木毬一時拋要  
全提去沙云和尚拋後忽被箇師僧出來道和尚看毬又  
作麼坐師云道甚麼沙云某甲即不與麼師云你作麼生  
沙云也未是分外

仰山湧禪師向火次有僧來參師云一言說盡山河僧便  
問如何是一言師以火筋拂向爐邊却收舊麈

投子青頌云一句稱提萬象分摩竭空自掩重門當初  
衲子微開眼插筋爐邊當火焚

歸宗暉禪師僧問截水停輪時如何師云磨不轉云如何  
是磨不轉師云不停輪或作雲居

徑山杲云恩大難酬

古德頌云截水停輪語已圓借婆衫子拜婆年後人不

見雲居老徃徃思量在兩邊

泐瀾明禪師僧問確搗磨磨不得忘却時如何師云虎口  
裏活雀兒

丹霞淳頌云一念蕭蕭不記年皮膚脫落自完全長夫  
夜夜清如鏡萬里無雲孤月圓

雲居廣禪師僧問截水停輪時如何師云磨不轉

汾陽昭頌云雲居有語機關絕不轉令君返照看截鐵  
閉關停定解百花俱發一花園開花結果從他有因地

抽條長碧天 佛印元云截水停輪語已圓借婆裙去  
拜婆年後人不見雲居老徃徃思量在一邊



○刀劍

藥山儼禪師與雲巖遊山腰間刀響巖云甚麼物作聲師便抽刀驀口作斫勢

投子青頌云大鵬無伴過天地獅子將兒絕後隨巖巖觸犯歸行路一吼吞雲萬象馳

臨濟玄禪師僧問如何是吹毛劍師云禍事禍事僧禮拜師便打

投子青頌云劍藏匣冷逼人寒擬問棲遲過嶺南更欲進前求退後悲風千古遠溪潭

巖頭齋禪師問僧甚處來云西京來師云黃巢過後還收得劍麼云收得師引頸近前云因僧云師頭落也師呵呵大笑僧後到雪峯峯問甚處來云巖頭來峰云有何言句

僧舉前話峯打三十棒趁出

大鴻喆云這僧黃巢過後曾收劍却向巖頭處施設及至雪峯面前鋒銚不露何故為他巖頭大笑一聲直得天地陟暗四方絕唱若不得雪峯幾乎陸沈不見道殺人力活人劍

雪竇顯頌云黃巢過後曾收劍大小還應作者知三十

雲山藤且輕怨得便宜是落便宜  
西院明禪師未往時問汝州南院出世元是同參特去相訪纔入事了便云某甲啓和尚無可作人事自從許州來收得江西剃刀一柄上和尚院云汝從許州來因甚却收得江西剃刀師於南院手上搯一搯院呼侍者云收師以衣袖拂一拂便行院云阿刺刺阿刺刺



大瀉詰云西院收得江西剝力無處施皇直遇同參方  
始拈出如今還有收得者麼試呈似老僧看如無尋常  
用箇甚麼  
海印信頌云南院門風信莫窺登臨無不喪全威許州  
西親獻江西信針芥相投上首知  
雲門偃禪師僧問如何是吹毛劍師云祖  
智門祚頌云吹毛寶劍問重爾來者投機豈更存路逢  
劍客如何也既人攜手向南奔 雲溪基云吹毛寶劍  
不須抽迸匣清光射斗牛日用全彰人不見雲門祖字  
為君酬 圓通偈云三尺秋光匣裏藏時逢作者露鋒  
銚如今四塞狼煙靜不展紅旗歸帝鄉  
芭蕉情禪師僧問如何是吹毛劍師云進前三步僧云用

者如何師云退後三步  
風元沼禪師僧問如何是廣慧劍師云不斬死漢  
巴陵鑿禪師僧問如何是吹毛劍師云珊瑚枝枝撐著月  
雪竇顯頌云要平不平太巧若拙或指或掌倚天照雪  
太冷兮磨礪不下良工兮拂拭未歇別別珊瑚枝枝撐  
著月 白雲端云珊瑚枝枝撐著月射斗鋒銚未足觀  
四海盡來歸真後乾坤同耀寶光寒 長靈卓云價重  
三千不可圖從教千古強名橫長因塞北煙塵息記得  
江南啼鷓鴣  
石鞏藏禪師九見僧來以弓架箭示之 一日三平至師云  
看箭平乃撥開臂云此是殺人箭活人箭又作麼生師乃



扣弓弦三下平便作禮師云三十年架一張弓兩隻箭只  
射得半箇聖人遂拗折弓箭平後舉似大顛顛云既是活  
人箭爲甚麼向弓弦上辨平無對顛云三十年後要人舉  
此話也難

雲門問長慶作麼生道免得云作半箇聖人長慶云若  
不還價爭辨真偽問云入水見長人 雲實顯云石鞞  
要先拗折不難爭奈三平中的了也然則老宿要話三  
平且未免張弓架箭 首山念云人人盡道三平中的  
莫屬他也無良久云機關不是韓光作莫把曾襟當等  
閑 姜山愛云射虎不真徒勞沒羽 佛鑑勸云大小  
三平元來只是箇死漢若非死漢又覓甚麼活人箭石  
鞞龍顯蛇尾矢在弦上又却不發當時若便與一箭那

裏來大顛作死馬醫醫之不差從他掘地深埋且如智  
海係麼批判古今還有過也無細雨灑花千點淡淡煙  
籠竹一堆愁 天童覺云石鞞習氣不除三平相席打  
令却云三十年一張弓兩隻箭祇射得半箇聖人豈不  
是以已方又大都不入驚人浪到了難尋稱意魚  
汾陽昭頌云張弓架箭喫君回不省宗師特意來箇箇  
想盡隨迷醉走向中認影影難開三平猶未全提得靈靈  
雷聲徧九垓 佛慧泉云張弓架箭豈徒然中的雖多  
命不全半聖投機無別意功高何必畫凌煙 正覺逸  
云三十年來事一弓一弓擬定寢中窺知半聖雖投  
款納壁牽羊信不通 佛印元云架箭張弓得用深正  
生猶喜中紅心後來半箇人難得猛火方成百煉金



佛國白云張弓架箭三十年射得三平半不全等似萬人  
人齊指愛斜陽一鴈落秋夫 崇勝珙云三十年來握  
箭弓三平纔到壁開留半箇聖人今日得大顛弦外幾  
時逢

祕魔巖禪師常持一木杖九見徧來遂提起杖云甚麼魔  
魅教汝出家甚麼魔魅教汝行脚道得也杖下死道不得  
也杖下死速道速道

法眼益代云乞命乞命 玄覺代云老兒家放却杖子  
得也 五祖戒云山僧當時若見奪取杖來暮項杖倒  
點把火照着伊面皮厚多少 法燈欽云但引頸示之  
後霍山聞遂訪祕魔禪師纔見未禮拜便攬入懷魔乃拈  
山背三下山拍手云師兄三千里外賺我來三千里外賺

我來

保福展云當斷不斷反遭其亂 首山念云千聞不如  
一見 翠巖之云還有賺處也無非但賺他大權佛翠  
巖今日也賺大眾上來 琅琊覺云雷聲浩大雨點全  
無

洞山聰頌云梨荒老倒眼彌麻自救無瘵更持杖嶺南  
鶴猿當時見一棒打殺這魔家 雪竇顯云把斷重津  
過者難擎杖須信觸髓乾霍山到後知端的同死同生  
未足觀 黃龍南云叔姪相逢兩不猜到頭撫背似寒  
獸回首恐人生恠笑報云千里賺予來 海印信云自  
誇獨握誅龍劍及遇真龍不奈何也似將軍空索戰無  
功徒枉動干戈 崇勝珙云祕魔杖子動家邦來徃權



人被死降禪佛單刀直入處始知項羽到烏江。夢庵  
信云道得無言杖下死霍山猛跳入懷中三千里外虛  
相賺更有何人透此宗。欽山遠禪師因良禪客問一鏃破三關時如何師云放出  
關中主看良云恁麼則知過必改師云更待何時良云好  
箭放不著所在便出去師云且來關黎良回首師把住云  
一鏃破三關即且致試與欽山發箭看良擬議師打七棒  
云且聽這漢疑三十年有僧舉似同安察察云良公雖能  
發箭要且未中的有僧問未審如何得中的去察云關中  
主是甚麼人僧舉似師師云良公若解與麼道也免得欽  
山口雖然如是同安不是好心亦須看始得。一鏃破三關還有麼  
佛鑑懃云若識得三險道理便能一鏃破三關

有則出來與你發箭良久云箭穿紅日影須是射關  
天童覺云山堆嶽積來尾解冰消去則是人知有與我  
放出關中主看且合你麼生有底道當時便喝當時便  
掌然則下期瞎用則得要且未是關中主在還體得麼  
當堂下正坐那赴兩頭機。雪竇顯頌云與君放出關中主放箭之徒莫羨國叔  
眼方可必驚捨箇耳方可雙瞽可憐。一鏃破三關的的  
分明箭後路君不見玄沙有言兮大丈夫先天為心祖  
○骨董  
優波德多尊者在世化導證果者最多每度一人以一事  
置於石室其室縱十八肘廣十二肘其室充滿其間  
南陽忠國師因耽源問百年後有人問極則事如何師喝



云幸自可憐生剛要箇護身符子作麼

保寧勇代云粉骨碎身難報此德佛性恭云大小耽

源被國師一坐直至而今起不得若是德山要且不然

待伊道幸自可憐生須要箇護身符子作麼只對社道

暗中為照燭檢真作津梁

汾陽昭頌云護身符子最通靈國師起坐總將行耽源

得用南方去為說令人睡眼醒海印信云不重已靈

猶自可護身符子更那堪為君旨外通消息秋月無雲

落碧潭

黃檗運禪師問百丈從上宗乘苗裔此間如何商量大默

然師云教後人如何委悉丈云我將謂你是箇人便起去

師隨後入方丈云某甲得得而來只要箇印信足矣丈云

若爾他後不得辜負老僧

佛眼遠頌云打箇還他州土來習歌須是帝鄉人現成

財本成家者多見飢寒在子孫

趙州論禪師因與侍者文遠行次乃指一片地云這裏好

造箇巡鋪文遠便去路傍立云把將公驗來師遂與一摺

遠云公驗分明過

佛鑑勸頌云雖然公驗各隨身去住皆由守鋪人踏破

草鞋歸去後落花啼鳥一般春鼓山佳云天子尋關

市裏山僧在百草頭擺手御街來往不怕巡火所由

徑山果云一正一邪一箇一起文遠趙州靴裏動指

趙州到道吾吾預知乃取豹皮襯著將吉嚙杖於三門下

懸一足師繞到吾便唱諾師云小心伏事著吾又唱諾



翠巖芝云有人見得此一人落處不妨具眼若不知落  
處未具眼在乃擊禪牀一下云若也不會打與三伯  
木庵承云奴見婢慇懃  
鼓山珪頌云稽首兩足尊瞻仰不暫捨眉間白毫光  
耀大千界徑山果云有禮有樂有唱有酬人平不語  
水平不流

長沙岑禪師令僧問會和尚未見南泉時如何會長久僧  
云見後如何會云不可別有也僧回舉似師師云百尺竿  
頭坐底人雖然得入未為真百尺竿頭須進步十方世界  
是全身僧云百尺竿頭如何進步師云朗州山澧州水僧  
云不會師云四海五湖王化裏  
無用全云大慧先師道要見長沙麼更進一步保靈印

不然要見長沙麼更退一步畢竟如何洗骨換腸重整  
頓通身是眼更須參

天童覺頌云玉人夢破一聲雞轉盼生涯色色齊有信  
風雷催出藝無言桃李自成蹊及時節力耕犁誰怕春  
晴沒腦泥

潼泉禪師僧問如何是相傳底事師云龍吐長生水魚吞  
無盡漚云請師挑別師云播鼓轉船頭棹穿波裏月

丹霞淳頌云依依半月沈寒水耿耿三星碧落攢昔日  
雲巖曾漏泄金輪王子寶花冠

興化贊禪師僧問軍旗急速時如何師云日料半斤食  
投子青頌云離城別閣暗愁時月落星分信馬蹄風掃  
曉霜林木迥夜深汀岸火生微



玄沙俗禪師初到莆田縣百戲迎之次日問小塘長老云昨日許多誼鬧向甚麼處去小塘提起袈裟角師云料掉沒交涉

法眼益別云昨日有多少誼鬧法燈欽別云今日更好笑大鴻詰云大鴻以不然忍有問遂鳴指下下如有箇袖僧出來云料掉沒交涉却責他何故大丈夫漢將虎鬚也是本分且道利害在甚麼處黃龍新云奇哉諸禪德扶豎宗乘也須是小塘長老始得玄沙為甚道沒交涉我即不然昨日許多誼鬧向甚麼處去也云天共白雲曉水和明月流天童覺頌云夜壑藏舟澄源著掉龍魚未知水為命折筋不妨聊一攪玄沙師小塘老函蓋箭鋒採半影草潛

縮也老龜真蓮遊戲也華鱗弄藻

青溪璉禪師問修山主明知生是不生之理為甚麼為生死之所流修云第畢竟成竹去如今作幾使得師云汝向後自悟去在修云某甲所見只如此上座作麼生師云這箇是監院房那箇是典座房修乃作禮天童覺頌云

些力量分階級蕩蕩身心絕是非是非絕介立大方無軌轍

大陽堅禪師僧問如何是玄旨師云壁上掛錢財

投子青頌云輕輕人問玄中事便吐肝腸說與他人暗破雙眉處石女多言爭奈何

護國禪師僧問鶴立枯松時如何師云地下底一場慘懽



云滴水滴凍時如何師云日出後一場懨懨云會昌沙汰時護法善神向甚麼處去也師云三門頭兩箇一場懨懨天童覺頌云壯志綖綖鬢未秋男兒不憤不封侯翻思清白傳家客洗手溪頭不飲牛

楊歧會禪師問僧栗棘蓬你作麼生吞金剛圈你作麼生跳

鼓山珪頌云楊岐老人頤口訣萬里長城一條鐵斫牌

禪客如到來不動金槌腦門裂

徑山泉云金剛圈栗棘蓬玄沙三種病石鞞一張弓直截為君說新羅在海東

禪林類聚卷第十七

禪林類聚卷第十八

○糧食

齋粥

餅餅

茶湯

蔬菜

五祖忍大師因詣碓坊問六祖云長白也不云白也未有

師師於碓以杖三擊之六祖即至三鼓入室受衣鉢

臨濟玄禪師問院主甚麼來院主云州中糞黃米來師云糞得盡不主云糞得盡師以拄杖劃一劃云還糞得這箇不

主便喝師便打後典座至師舉前話座云院主不會扣尚

意師云你又作麼生座便禮拜師亦打

黃龍南云院主下喝不可放過典座禮拜放過不可又

云臨濟行令歸宗放過二十年後有人說破



白雲端頌云寶劔持來刃以霜幾回臨陣執纜王有情  
有理俱三段一道寒光射斗傍大瀉詰云院主下唱  
典座禮拜臨濟令行古今獨蕩正覺逸云功德天將  
黑暗女有智主人俱不取後代兒孫薄茶肉宏綱委他  
憑誰舉佛鑑勸云菓米闍梨意氣驕輕如春雪自飄  
飄纔方落地人皆愛力不禁風當下消徑山果云一  
堆紅燄且晴空不問金鑰鐵錫銅入裏盡教成水去那  
容蚊蚋泊其中  
雪峯存禪師示衆云盡大地撮來如粟米粒大拋向面前  
漆桶不會打鼓普請看

西院稜問雲門云雪峯與麼道還有出頭不得處麼門  
云有院云作麼生門云不可總作野狐精見解也又云

狼籍不少雲峯悅云雖然天上不足我更與你蒼藤  
蔓枯拄杖云還見雪峯麼出王令稍嚴不許攜行奪市  
大瀉詰云我更爲諸人土上加泥乃舉拄杖云看看雪  
峯老人向你諸人面前放肩出爲甚麼屎臭氣也不知  
木山方云隆慶亦不用打鼓但祇恁麼看設使看而未  
徹亦乃熏習善權忍若看得徹去始知隆慶老婆心切  
然雖如是三十年後不得辜負山僧  
雪竇顯頌云牛頭沒馬頭田曹溪鏡裏絕塵埃打鼓看  
來君不見百花春至爲誰開白雲端云省毛鐺裏遊  
南嶽大海波心泛釣舟蕩動隨身終不說從他打鼓看  
無休圓悟勤云疾醜過風奔流度刃唱拍相隨奉湯  
栴應驀然轟起震天雷百草頭顛春色回楚安方云



打鼓普請看直得骨毛寒拾得寒山舞笑倒老豐干  
雪峯在洞山作飯頭淘米次洞山問淘砂去米淘米去砂  
師云砂米一時去山云木衆喫箇甚麼師遂覆却米盆山  
云據子因緣合在德山

投子青云大衆洞山恁麼道是甚道理雖然一色乾坤  
爭奈山高水闊所以野人云功夫不到不方圓言語不  
通非眷屬乃代云淘砂去米淘米去砂無影長生桂經  
霜結子頻大衆喫箇甚麼金鳳採香嚼不盡玉雞食菜  
葉長新天童覺云雪峯祇管步步登高不覺草鞋跟  
斷苦也正偏宛轉敲唱俱行自是言氣相合父子相投  
且道洞山不肯雪峯意在甚麼處萬里無雲天有過碧  
潭似鏡月難來琅琊覺云雪峯與麼去大似拖却甜

桃樹治山摘醋梨

投子頌云滿鉢盛來一物無豈同香積變珍錄日月並  
輪長不照木人舞袖向紅爐

黃山輪禪師因夾山問甚處人師云閩中人山云還識老  
僧麼師云和尚還識某甲麼山云不然子且還老僧草鞋  
錢老僧然後還子江陵米價師云與麼則不識和尚米審  
江陵米作麼價夾山云真獅子兒善能哮吼

佛鑑勸云且道一老漢還有相識處也無若也相識何  
須更問苦不相識因甚却問鞋錢米價交加黃山云江  
陵米作麼價夾山便贊云真獅子兒善能哮吼意旨如  
何於此見得債無陳得便新其或未然江陵米價交加  
增草鞋錢盡教誰出大滄智云啐啄同時師資相投



草鞋米價彼此相酬，有得有失，善能學引，既有得失，誰肯誰休？且道那箇全得那箇全失？若擇得出，許你親見。  
二老  
丹霞淨頌云：父子相逢眼倍明，靈苗業裏坦然行。箇中若謂金毛子，已是鹽梅饌大羹。

○齋粥

金牛禪師九自做飯供養，眾僧每至齋時，鼻飯桶到僧堂前，作舞云：菩薩子，喫飯來，乃拈掌大笑。  
曹山因僧問：古人恁麼是奴兒婢子？不山云：是云向上事，請師道山出云：這奴兒婢子。  
長慶稜云：大似因齋慶讚，大光因僧問：長慶道：因齋慶讚，意旨如何？光乃作舞，僧禮拜，光云：見甚道理，便拜，僧却作舞，光云：這野

狐精，東禪齋云：古人自出，千飯舞，與人來，與意作，糜生還，會麼？只如長慶與大光，是明古人意，別為他分折，今問上座，每日持盂，掌鉢時，迎來送去，時為當與古人一般，別有道理，若道別且作，糜生得別來，若道一般，恰到他舞，又被喚作野狐精，有會麼？慶若夫會行脚，眼在甚麼處？雪竇顯云：雖然如此，金牛不是好手。  
雪竇頌云：白雲影裏笑呵呵，兩手持來付與他。若是金毛獅子，三千里外見，說說佛國白，云金牛作事也。  
外奇哉，拈掌相招，喚飯來，若謂因齋成慶讚，都盧笑殺老黃梅。  
地藏恩云：拳中十指展縮，自由菩薩喫飯，笑矣。金牛有意氣時，添意氣，不風流處也。風流佛眼遠，云長連牀上，孤屎屎，三聖堂前，狗吠春，跳出金牛，窠子。



月明照見夜行人  
長靈卓云菩薩子喫飯來一喚令  
人眼豁開却憤上方曾打鼓親持鐵鉢詣天台

藥山儼禪師一日齋持自打鼓高沙彌捧鉢作舞八堂師  
便拋下鼓槌云是第幾和彌云第一和師云如何是第一  
和彌就桶內舀一杓飯便去

松源岳云傳因長智

汾陽昭頌云一般打鼓并作舞與你諸方事不同歷歷

正聲霄漢外且非數日落囊中  
雪峰頌云聲鼓拈匙

第一籌鉢盛香飯飽還休東風扇後韶光羨別岸垂楊

弄翠柔  
枯木成云父子相投氣味同擊缶打鼓展家

風雖然百味般般有爭奈風吹別調中

舟震然禪師問僧甚處來云山下來師云喫飯了未云喫

飯了也師云將飯與汝喫底人還具眼麼僧無對

長慶問保福云將飯與人喫與恩有分爲甚不具眼福

云施者受者二俱瞎漢慶云盡其機來還成瞎不福云

道我瞎得麼  
玄覺徵云且道長慶明冊霞意爲復自

用家財  
汾陽昭代云若不上山爭識冊霞  
芭蕉散

云各具一得一失又代僧云爭不足讓有餘又代霞云

施受俱無利益  
保寧勇代云今日被和尚勘破  
應

庵華云冊霞既已龍頭蛇尾長慶保福只得將錯就錯

雖然二三老宿要且不知這僧落處具擇法眼試請辨

看

雪竇顯頌云盡機不成瞎按牛頭喫草四七二三諸祖

師寶器持來成過答過答深無處尋天上人間同陸沈



趙州論禪師僧問學人入叢林之師指示師云喫粥了也未云喫粥了師云洗鉢盂去其僧因此喫悟

雲門云且道有指示無指示若言有趙州向伊道箇甚麼若言無這僧為甚悟去

雪竇顯云我不似雲門為蛇畫足直言向兩道問者如蟲銜木荅者偶爾成文然雖與麼瞎却神僧眼作麼生免得此過諸仁者要會麼

還爾趙州喫粥未拈却這僧喫粥了雪竇與爾拄杖子歸堂雲峯悅云雲門與麼道大似為黃門我鬚與蛇畫足若是雲峯則不然這僧道於此悟去入地獄如箭射

保寧勇代云恩大難酬州上泉大道頌云林窠先卧粥鉢後坐濟濟鉢鉢蕭蕭灑灑

要會趙州洗鉢盂了事沙彌道一箇雲居祐云粥了

尋常洗鉢盂奈何依樣畫葫蘆靈光洞徹河沙界是則

名為大丈夫佛陀遜云粥了令教洗鉢盂盡心往往更心鹿直饒到此分明也是平生不丈夫

雲蓋智云趙州喫粥話尋常問禪客心若不負人面上無慚色白雲端云梅花落盡杏花披未免春風著出襖一氣下

言舍有象萬靈何處謝無私三祖宗云乍入叢林伸一問鉢盂洗却更何疑從前官路無迂曲底事遊人不見疑

湛堂隼云之乎者也衲僧見孔太頭向下禪人若也不會問取東村王大姐

護國圓云推窮物理成家計會合持機便識心多謝春風無厚薄貪家桃李也成陰

普化禪師與臨濟在施主家齋濟問毛吞巨海芥納須彌



為復是神通妙用為復是法爾如然師遂趨到飯莊濟云  
大麓生師云這裏是甚所在說麓說細濟休去明日又同  
一家赴齋濟問今日供養何似昨日師又趨到飯莊濟云  
太麓生師云瞎漢佛法說甚麓細濟乃吐舌

雪竇顯云兩箇老賊喫飯也不了好與二十棒棒雖行  
且道那箇是正賊 圓悟勸云真金不百煉爭得光輝  
至寶不酬價爭知真偽不是臨濟不能驗得普化不是  
普化不能抗他臨濟所謂如水入水如金博金雖然如  
是放過則彼此作家檢點則二俱失利 南堂靜云此  
二尊宿如一龍爭珠擊雲騰霧不動波瀾如一虎爭餐  
活捉生擒不傷物命今夜或有人問天隋道毛吞巨海  
芥納須彌為復是神通妙用法爾如然只向道不見先

師翁有言一拳拳倒黃鶴樓一躍躍翻鸚鵡洲有意氣  
時添意氣不風流也風流 應庵華云一出沒一  
往一來猛虎口裏奪餐毒蛇頭上拈痒要且未稱太丈  
夫事在二老名諱宇宙價重當時光孝今日豈可謹密  
三寸二俱放過為他弄假像真二俱不放過為他槌擗  
太甚是汝諸人若作佛法商量達磨一宗掃土而盡  
上方益頌云蘭若供養不尋常兩度遭伊趨飯莊總似  
這般無禮漢將何因果利存亡 海印信云要識真金  
須入火再三煅煉見精籠上行買賣不饒讓好物從來  
價自殊 野軒遵云相逢一瞎一麓生齋主渾家喪膽  
夫驚誰識一尊龍象駕毗盧頂上等閑行

瀉山祐禪師一日見劉鐵磨來師云老特牛汝來也磨云



為復是神通妙用為復是法爾如然師遂趨到飯莊濟云  
太麓生師云這裏是甚所在說金鹿說細濟休去明日又同  
下家赴齋濟問今日供養何似昨日師又趨到飯莊濟云  
太麓生師云瞎漢佛法說甚金鹿細濟乃吐舌

雪竇顯云兩箇老賊喫飯也不了好與二十棒棒雖行  
且道那箇是正賊 圓悟勸云真金不百煉爭得光輝  
至寶不酬價爭知真偽不是臨濟不能驗得普化不是  
普化不能抗他臨濟所謂如水入水如金博金雖然如  
是放過則彼此作家檢點則一俱失利 南堂靜云此  
二尊宿如一龍爭珠擊雲縹霧不動波瀾如一虎爭餐  
活捉生擒不傷物命今夜或有人問天隋道宅吞巨海  
芥納須彌為復是神通妙用法爾如然只向道不見先

師翁有言一拳拳倒黃鶴樓一躍躍翻鸚鵡洲有意氣  
時添意氣不風流颯也風流 應庵華云一出沒一  
往一來猛虎口裏奪餐毒蛇頭上拈痒痒且未稱大丈夫  
夫事在二老名諱宇宙價重當時光孝今日豈可謹密  
三寸二俱放過為他弄假像真二俱不放過為他槌擗  
太甚是汝諸人若作佛法商量達磨一宗掃土而盡  
上方益頌云蘭若供養不尋常兩度遭伊趨飯牀總以  
這般無禮漢將何因果利存亡 海印信云要識真金  
須入火再三煅煉見精麗上行買賣不饒讓好物從來  
價自殊 野軒適云相逢一瞎一麓生齋主渾家喪膽  
驚誰識一尊龍象駕毗盧頂上等閑行  
瀉山祐禪師一日見劉鐵磨來師云老特牛汝來也磨云



來日臺山大會齋和尚還去磨師乃放身作卧勢磨便出  
去

保寧勇代磨云請和尚來日早起 水庵云磨中道

放身便卧是不去劉鐵磨遂憐憐而行有甚交涉殊不

知馮山老漢平生一條鐵春寮拗不曲被劉鐵磨一推

推倒直至而今起不得若要扶起馮山請大眾下一轉

語眾無對師以拄杖一時趕散

雪竇顯頌云魯騎鐵馬入重城勅下傳聞六國清猶握

金鞭問歸客夜深誰共御街行 八童覺云百戰功成

老大平優游誰肯苦垂衡玉鞭金馬閑終日明月清風

畫一生 無盡居士云老特牛來到此間明朝大會去

臺山白雲下曲知音少雄唱漁歌自往還

甘贄行者因入南泉設粥仍請南泉念誦泉乃白提云為

狸奴白牯念摩訶般若波羅蜜多者拂袖便去泉踞後問

與座行者在甚處座云當時便去也泉云打破鍋子著云

良乃擊  
錫三下

汾陽昭頌云一般設粥古今稀十利功圓果不低鍋鏊

盡穿無煮粒叢林遠近總應知 慈明圓云甘贄設粥

詣南泉請師念誦眾僧前狸奴典座言歸去當時鍋鏊

一時穿 雪峰頌云異路相逢句已酬閑吹菴苗回河

洲漁人貪顧沙頭鷺不覺扁舟逐浪流 無盡居士云

財施無窮法施多為他狸牯念摩訶無端其勢低頭拜

撩發南泉打破鍋 湛堂隼云高吟大笑性俱在潘閻

騎驢出故鄉驚起暮天沙上鴈海門斜去兩三行 徑



山泉云南泉打破閑家具浩浩諸方作話者今日為君  
重舉過明明歷歷不顛傾

德山監禪師因三聖來參師云不用展次單這裏無殘善

鯨鯨聖云設有向其麼處著師便打聖接住捧推放床上

師撫掌一下聖將坐具蓋却頭哭著天出去或作

琅琊覺云眾中商量極有云云不見道若無藥布作事

得見韓光 圓悟勅云二俱勝捷蓋各各善集鼓擺旗

二俱失利彼此傷鋒犯手大似把手上高山未免傍觀

者晒敢問大眾誰是傍觀者 古德云殘羹餽飯無處

安著摸手槌曾劈頭蓋却兩箇無孔鐵罐一樣無縫自

鼓山承頌云南北山相對東西有路分不經場陣節

見李將軍公云踏出音聲對敵從來買險機效不

太原隱禪師僧問數家檀越請未審赴誰家師云月應千

江水門門盡有僧香時時野金精直道

用霞淨頌云妙圓無相劫前人隨類權分百億身月夜

御樓纒報曉正明六國盡知春

雲門偃禪師僧問如何是塵塵三昧師云鉢裏飯桶裏水

雲寶顯頌云鉢裏飯桶裏水多口阿師難下嘴此斗兩

所星位不殊白浪滔天平地起擬不擬止不止箇箇無棍

長者子其白雲端云朝打三千末為多暮打八百末為

少鉢裏飯勺桶裡水人前切忌無分曉 天童覺云塵

天塵三昧彼彼不外千峯向嶽百川赴海更無一法不如

來只箇堂堂觀自在



餅

天皇悟禪師因龍潭未出家時家為餅鋪住在寺前每日常供餅十枚上師師受已却留一餅與之云惠汝以蔭子孫潭云是其甲將來何以返云惠汝師云是汝將來復汝何各潭因有悟入遂投出家

汾陽昭頌云將去將來事不差龍潭固問勿交加後徒多少垂唇吻春鳥喃喃罵落花白雲端云十餅每回留一箇因思何謂蔭兒孫團團將去還將入不覺醍醐到頂門佛國白云南嶽山頭見石頭便歸于岸狎沙鷗謾分餅餅為香餌引得金龍上直鉤

雲門偃禪師示眾云聞聲悟道見色明心作麼生是聞聲悟道見色明心乃云截世音菩薩將錢來買餅餅放下手

元來却是饅頭

五祖演云雲門好則甚好奇則甚奇要且只說得老漢禪若是白雲即不然作麼生是聞聲悟道見色明心遂作打杖鼓勢云棚八囉札松源岳云治父有條活路要與諸人共行拈拄杖云穿入諸人鼻孔裏燈籠露柱直得眼睛突出草拄杖一下上方益頌云買得欣欣急走歸不知放手却成非直說超過毗盧頂也落韶陽第二機慈受深云小院春風特地寒往人寂寞倚欄干斷腸曲調無人聽更把琵琶月下彈南堂靜云桃花枝上一鶯啼綠水溪邊路不迷聞見分明非耳自休將情解論曹溪鼓山珪云南無觀世音菩薩補陀巖上紅蓮舌不知成佛是何時打

禪林 三十一



須是并州鐵。徑山杲云見色明心事已差聞聲悟  
道更交加觀音妙智慈悲力荆棘林生優鉢花  
雲門因僧問如何是超佛越祖之談師云餠餅  
五祖演云白雲即不然忽有人問如何是超佛越祖之  
談只向伊道驢屎似馬糞又云破草鞋又云靈龜曳尾  
且道是同是別試辨看  
雪竇顯頌云超談禪客問偏多縫罽披離見也爽胡餅  
聖來猶不住至今天下有誰訛雲居祐云韶陽胡餅  
登禪人佛祖之談道最親不落言詮休擬議回頭識取  
自家珍文殊道云堪悲堪笑老韶陽餠餅拈來擬鼻  
香端的若知滋味者不勝滿面真慚惶道場如云駕  
空欲上九重霄脚下紅絲繫轉牢賴是龍泉未出匣且

施一割用鋤刀佛燈珣云雲門餠餅對超談多少禪  
人看不穿若是孔門真弟子自然知道化三千

五味

馬祖一禪師始匠徒曰大慧遣一僧去伺陞堂乃出問作  
麼生看伊道甚言句記將來僧去一如所教廻云馬大師  
道自從胡亂後三十年不曾少鹽醬大慧然之  
徑山杲云雲門即不然夜夢不祥書門大吉又頌云見  
得分明識得親舉來猶自涉途程直饒不犯毫釐者也  
是拈匙匙指人鼓山珪頌云胡亂三十年不少鹽與  
醬江西馬大師南嶽讓和尚  
雲巖晟禪師初參藥山山問甚麼處來師云百丈來山云  
百丈有何言句師云有時云一句子百味具足山云鹹即



鹹味淡即淡味不鹹不淡是常味作麼生是百味具足底  
句師無對山云爭奈目前生死何師云目前無生死山云  
二十年在百丈俗氣也不除又問海兄更說甚麼法師云  
有時道三句外省去六句外省取山云三千里外且喜沒  
交涉山又問更說甚麼法師云有時上堂了大眾下堂次  
復召大眾衆迴首乃云是甚麼山云何不早恁麼道師於  
言下有省

投子青頌云行盡千峰路轉高首歸方憶舊坐房貧尋

古調單于曲暨送胡家一韻長

巖頭豁禪師僧問浩浩塵中如何辨主師云銅砂羅裏蒲

盛油

佛印元頌云塵中辨主眼分明特地尋力更點睛堪笑

耆婆雖眼眩至今南北絕人行 雲溪恭云銅砂羅裏

蒲盛油正是毘盧印後收更有塵中辨得主太平將將

盡封侯 海印信云礎潤天將雨雲開月正明漁翁閑

引釣牽動一潭星 草堂清云銅砂羅裏油清淨照見

塵中舊主人寄語禪流猛參取莫教辜負此生身

曹山本寂禪師因僧清稅問清稅孤貧請師授濟山喚稅

闍黎稅應諾師云青源白家三盞酒喫了猶道未沾唇

玄覺云甚麼處是與他酒喫 雪竇顯別云稅闍黎應

諾是甚麼心行 松源岳云稅闍黎拋靴引玉不知換

得箇擊子曹山雖來風深辨可惜不一等與他本分草

料免致今時向黑山下作活計

佛印元頌云清稅孤貧心太麤曹山推手步亭途白家



三盞沾唇酒醉後添盃不似無 地藏恩云青源白家  
酒三盞未沾唇七十二棒且輕怨一百五十難放君  
南華曷云滿屋黃金不肯親吁嗟其自然孤貧無端更  
飲三盃酒醉後即當笑殺人

○茶湯摘茶附

文殊大士與無著喫茶次乃拈起玻璃盞問無著云南方  
還有這箇不著云無文殊云尋常將甚麼喫茶著無對  
洞山代展手云有無且置借取這箇看得不 曹山代  
云父承太土拔劍為甚麼處在一塵 長慶稜代云若  
與麼癡客勸主人 琅琊覺云若也是去可謂虎口裏  
奪食若也不是去移舟看水勢舉棹別波瀾 保寧勇  
代以手指口

汾陽昭頌云文殊大士托玻璃逐問南方有箇奇無著  
忽言無這箇俱他多少老闍黎至今猶未知端的擡手  
拈茶不用疑 佛印元云南方不可離須臾無著因何  
却道無寄語後來禪子道喫茶拈處莫生疎 正覺送  
云自別南方涉路岐喫茶處用玻璃如何恰到清涼  
手問著元來總不知 佛眼遠云青山門外白雲飛綠  
水溪邊引客歸莫恠坐來頻勸酒自從別後見君稀  
松山禪師因與龐居士喫茶次士舉起棗子云人人盡有  
分因甚麼道不得師云祇為人人盡有所以道不得士云  
阿兄為甚却道得師云不可無言也士云灼然灼然師便  
喫茶士云阿兄喫茶何不揖客師云誰士云龐公師云何  
須更揖後卅霞聞藥乃云若不是松山泊被箇老翁作亂



一上士聞乃令人傳語云何不取未舉起囊時  
與佛鑑歎云譬如琴瑟笙簧雖有妙音若無妙指終不能  
發松山解吹無孔笛龐老解弄勿絃琴卅霞雖隨聲應  
拍須知拍拍是令眾中若有會底出來露箇消息也表  
外眾中有人若無各自歸堂 塗毒策云辨衡鑑別端倪  
須是明眼龐公採竿影草松山不負來機雖然緇素分  
明爭奈傍觀不肯還知麼如人看畫虎暗地長威獍  
南堂靜頌云未提橐子已前袖子難爲下梢識得這箇  
靈苗不向黃泉作鬼不作鬼何準擬一拳拳倒黃鶴樓  
一趯趯翻大海水  
則首座因與龐居士摘茶次士問法界不容身師今還見  
我不師云不是老僧消答公詰士云有問有答蓋是尋常

師不對士云莫恠適來容易借問師亦不顧士喝云這無  
禮儀老漢待我一舉似明眼人去在師乃拋下茶籃便  
歸

雪竇顯云則川只解把定封疆不能同生同死當時姪  
與捋下幞頭誰敢喚作龐居士 佛鑑歎云兩面不曾  
提籃便歸且道旨歸何處還會麼苦瓠連根苦甜瓜徹  
其甜則川老漢經事多矣 大滄智云諸仁者參須參  
到這船田地喚作千人隊裏喚不回頭萬力叢中撼他  
不動始得穩坐地若不是則川被龐公引入葦草裏便  
見忘却摘茶事也 塗毒策云似海之深如山之固志  
能坐致太平龐老雖則搥鼓撥旗其柰則川理兵掉闢  
祇如末後拋下茶籃便歸又作麼生太平基業分明在



何必切切問別人

保寧勇頌云相逢相識謾相邀水碧深深隔斷橋無限  
雪辭殊不聽急高門戶更徒勞

趙州諗禪師問新到曾到此間麼僧云曾到師云喫茶去  
又問一僧僧云不曾到師亦云喫茶去後院主云和尚為  
甚曾到也云喫茶去不曾到也云喫茶去師召院主主應  
諾師云喫茶去

保福展云趙州慣得其便鏡清恁舉問僧作麼生會

僧便去清云邯鄲學唐步達觀頌云有條攀條無條

攀例乃高聲云喫茶去雪竇顯云這僧不是邯鄲人

為甚學唐步若辨得出與汝茶喫

汾陽昭頌云趙州有語喫茶去天下衲僧總到來不是

石橋元底滑喫他多少衲僧回黃龍南云趙州驗人

端的處等閑開口便知音覲面若無青白眼宗風爭得

到如今投子青云見僧便問曾到不有言曾到不曾

來留坐喫茶珍重去青煙暗換綠紋苔佛國白云此

間曾到不曾到人義人情去喫茶院主不知滋味好却

來手看盞中花雲蓋智云趙州喫茶話自古及至今

易開終始口難保歲寒心佛眼遠云趙州一盃茶驗

盡當衲家一期雖似好爭免事如麻

鴻山祐禪師因摘茶謂仰山云終日摘茶只聞子聲不見

子形仰撼茶樹下師云子只得其用不得其體師云未

審和尚如何師良久仰云和尚只得其體不得其用師云

放子二十棒



首山念云夫為宗師須具擇法眼始得當時不是為山  
便是扶離摸壁人琅琊覺云五更侵早起更有夜行人  
又云若不是為山泊合打破蔡州大鴻詰云陽春白  
雪今古罕聞如今還有同聲相應同氣相求者麼良久  
云唱彌高和彌寡大鴻智云古人相見互換之機啐  
啄同時體用雙行涉是兼非當時正令若全提方知盡  
餅不充飢遂乃拈起拄杖云還會麼良久又云家醜不  
可外揚父子體用全彰父子機猶可子奪父機無良  
擊禪牀一下天童覺云為山仰山父子子叢林盡  
道各得一椽殊不知天共百雲曉水和明月流  
汾陽昭頌云摘茶更莫別思量處處分明是道場體用  
共推真應物禪流頓覺兩前香保寧勇云春暖相呼

出翠微時行時坐幾忘歸黃昏一陣東風雨未免渾身  
透濕衣佛印元云體用全彰用不難當時為仰自相  
謾禪流若具金剛眼互換機鋒子細看野軒遺云龍  
生龍子闔全威霹靂聲中掣電機兩過雲收何處去為  
茶山千古獨巍巍佛慧泉云體用俱非鳥飛兔走撼樹  
盤然天長地久二十拄杖令雖嚴也是憐兒不覺醜  
佛鑑勸云張公在與李公友待罰李公一盞酒到被李  
公罰一盞好手手中無好手  
王延彬太尉因到招慶煎茶次時朗上座與明招把鉢忽  
翻却茶鉢尉見乃問上座蘇爐下是甚麼朗云捧爐神尉  
云既是捧爐神為甚麼翻却茶朗云事官十日失在一朝  
尉拂袖便去明招云朗上座喫却招慶飯了却向江外打



野樵朗云上座作麼生招云非人得其便  
大滄喆云王大尉大似相知奪璧怒髮衝冠明招也是  
忍俊不禁難逢快使大滄若做朗上座當時見問但呵  
呵大笑何故見之不取千載難追雪竇顯云當時但  
踏倒茶爐又頌云來問若成風應機非善巧可惹獨眼  
龍曾未呈牙爪牙爪開生雲雷逆水之波經幾回  
歷村禪師一日前茶次僧問如何是祖師西來意師舉匙  
茶匙子僧云莫這箇便當不師攪向火中  
投子青頌云煎茶未了人來問拈起茶匙呈似他當初  
苦遇收慈手性命難存爭奈何  
○蔬菜  
丹霞然禪師訪龐居士門前見女子靈照去洗菜師問居

士在不照放下菜籃斂手而立師又問居士在不照提起  
籃而去師便回居士從外歸靈照舉似居士士云丹書在  
不照云已去也居士云赤土塗牛妳  
大滄喆云太小丹霞被居士女子勘破山僧當時若作  
大丹霞但與呵向大笑待他問長老笑箇甚麼却向道不  
是冤家不聚頭佛鑑勸云丹霞從苗辨地靈照因語  
識人放下籃子當處發生提籃便行隨處滅盡居士赤  
土塗牛妳堂屋裏敗楊州且道畢竟如何各自散去免  
增話會塗毒策云問在不在一等尋人放籃提籃風  
流難掩最好丹霞便回却龐公猶自下金鈎還知這叢  
說話也無愁人莫向愁人說說尚愁人愁殺人  
上方益頌云露頭露面便相酬慣出人前不怕羞自是



奴奴肌骨好，不施紅粉也。風流白面郎，白面郎從來明。  
戶恰相當，可憐赤土塗。牛筋打老鑽，龜亂度量。妙高  
臺主云：丹霞一問女子，歛手擬議之間，鳥飛兔走，何久  
證明。庵中野叟赤土塗，半不說子醜。無疑居士云：淡  
薄衣裳取次粧，放籃斂手自無良。老龐猶更多愁在，不  
到奴奴泄漏香。

趙州論禪師僧問，承聞和尚親見南泉，是不師云：鎮州出  
大蘿蔔頭。

汾陽昭頌云：因問當初得法緣，不言東土及西天。鎮州  
不有菜名蘿蔔濟，却飢瘡幾萬千。雪竇顯云：鎮州出大  
蘿蔔，天下衲僧取則只知自古自今爭辨。鴿白鳥黑賊  
賊衲僧，鼻孔曾拈得。保寧勇云：鎮州蘿蔔天然別，滿

口明明說向人，薄福闡提人。不信一枚秤，得一二三斤。  
海印信云：陶潛彭澤唯栽柳，潘岳河陽只種花。何以晚  
來江上望，數峰蒼翠屬漁家。徑山泉云：參見南泉王  
老師鎮州，蘿蔔更無私拈來，塞斷是非口。雪曲陽春非

楚詞

夾山會禪師在瀉山，作典座瀉問。今日喫甚菜，師云：二平  
同上。春瀉云：如法修事著師，龍宿鳳巢瀉云：作家

大瀉詰云：夾山雖逞家風，義則義矣。善則未善，慧光即  
不然尋常茶飯，隨家豐儉。或有人問：今日喫甚菜，菜向  
道不是茄子，便是菸菜。妙法修事著五味，不少且道夾  
山是慧光是。智海逸云：諸方盡道典座盡善盡美，殊  
不知弄巧成拙，薦福不然。今日喫甚菜，自妙渡接著著



蓮如法修事者自應諾諸禪德試辨者若也辨得非惟  
此土舉世無雙任是香積門中選他第一  
投子青頌云相逢借問衆僧莫比庵園香飯施紫氣  
夜隨丹鳳轉金龍曉纏月中枝 正覺逸云變生爲熟  
逐時新好是二年同一春龍宿鳳巢輕奮意調和味塞  
口多人云大洪預云雨過龍庭苔蘚潤夜央金殿燭初  
紅官姬雅奏昇平曲禁外虛勞視聽功  
睦州蹤禪師僧問以一重去一重即不問不以一重去一  
重睦如何師云昨日栽茄子今朝種冬瓜  
靈隱遠云問者善問不解答者善答不解問山僧全  
日向飢鷹爪下奪肉猛虎口裏橫身爲你諸人說箇樣  
子登壇道士羽衣輕咒力雖窮法轉新拈指破開天地

時蛇頭擲落鬼神驚  
南巖勝頌云披蕤則笠千峯上引水澆蔬五老前中有  
瓜田難納履睦州困退在傍邊 咲庵悟云昨日栽茄  
子今日種冬瓜一擊河滿子和月落誰家 自得暉云  
車重去盡自平常春暖風和日漸長戶外鳥啼聲細碎  
巖花狼籍滿山房  
普化禪師因喫生菜次臨濟云這漢大似一頭驢師便作  
驢鳴濟云直歲與他細抹草料師云少室人不識金陵又  
再來臨濟一隻眼到處爲人開  
大趙州云何不與他本分草料  
上方益頌云草裏相逢兩赤眉交鋒一陣疾如飛東西  
旗號渾相似試問何人得勝歸 徑山泉云先師會裏



呈真處臨濟堂前喫菜時連此三回露捨索出這冷草盤乞兒

大愚之禪師示衆云大家相聚喫葢盡若喚作一葢盡入地獄如箭射

應庵華云好語要且無來處有人辨得出與你一兩金松源岳頌云殺活全機觀面提大家相聚喫葢盡後生不省這箇意只管忙忙打野樵

禪林類聚卷第十八

禪林類聚卷第十八

禪林類聚卷第十九

- 田地
- 草木 竹 蘭
- 花果
- 香燈
- 搬掃
- 柴薪

黃檗運禪師在百丈開田歸文問運閣黎開田不易師云隨衆作務文云有煩道用師云手敢舞勞文云開得多少田也師將鋤築地三下丈便喝師掩耳而去

琅琊覺云百丈一喝可謂垂絲於萬丈潭中黃檗掩耳獨聳於千峯之上 大鴻喆云黃檗開田功不浪施百丈住持令不虛行 禾山方云百丈正令風行草偃黃檗開田水到渠成雖然與麼且道以鋤築地處又作麼生還會麼不是苦辛人不知 松源岳云百丈一喝風



雲從嶽黃檗掩耳諸人自摸索着

佛眼遠頌云相見言談理不虧等閑轉面使相揮畢竟  
水須朝海去到頭雲定覓山歸

百文政禪師一日誦眾云汝等與我開田了我為汝說太  
義僧開田了云請和尚說大義師乃展開兩手海禪師作

白雲端云百丈說大義只止於此當時再參馬祖底句  
向甚處去也若言更有在未免與蛇畫足且道作麼生

得知百丈老人立地處乃云客來無茶點高湯備禮儀  
大滂詰云百丈說大義可謂今古罕聞光前絕後大滂

即不然但向道開田努力請歸堂歇教他天下衲僧鋒  
鋒結舌何故鶴有九臯難看翼馬無千里謾追風應

庵華云白雲要見百丈稱參馬祖底道理直是好笑矣

須三十年又道作麼生得知百丈立地處也與笑三十

年客來無茶點高湯備禮儀也與笑三十年三笑而九

十年為復笑白雲批判未審為復別有道理汝諸人共  
檢點得出歸宗拄杖子兩手分付苟或未然幾度醉歸

明月夜笙歌引入畫堂前  
白雲端頌云常憐百丈解開田今古行人手裏傳誰道

舌頭曾不動五音六律太周旋佛眼遠云開田說大  
義後人莫容易百丈總持門淡而還有味

長沙僧問如何轉得山河大地為自己去師云如何轉得  
自己為山河大地去僧云不會師云湖南城裏好養民米  
賤柴多足四隣  
天童覺云雖然主賓互換要且泥水不分或然裂轉鼻



孔恁麼不恁麼總不得又合作麼生如今王令稍嚴不  
 許入攘行奪市徑山杲云轉山河大地歸自己則易  
 轉自己歸山河大地則難有人道得不難不易句却來  
 徑山手裏請棒喫應庵華云將山隨分判斷太小長  
 沙勘這僧不破  
 保寧勇頌云塵刹平常露此身疑生情動見疎親湖南  
 城裏從來事米賤柴多是四隣  
 仰山寂禪師因瀉山問甚麼來師云田中來瀉云田中有  
 多少人師插鉢叉手而立瀉云今日南山大有刈茅師  
 拽鉢而去

玄沙云我若見即踏倒鉢子鏡清因僧問挿鉢意旨  
 如何清云狗齒敲書諸侯遊道又問玄沙踏倒鉢意旨

如何清云不恁麼何打破辱斗又問南山刈茅如何清  
 云李靖三兄久經行陣雪竇顯云諸方尊宿咸謂挿  
 鉢語奇特也大似隨邪逐惡據雪竇見處仰山被瀉山  
 一問直得草繩自縛去死十分翠巖芝云仰山只得  
 一極諸人別有會處瀉山杲云潜行密用還他本分  
 作家或放或收須是通人自照且道明甚麼邊事以盡  
 西江水方明一點心  
 投子青頌云瀉山問處少知音捧地酬他佛祖况踏倒  
 听玄沙傍不肯免教蒼翠帶春深保寧勇云淺種深耕  
 正及時入泥入水更同誰南山茅草多人刈獨是爺兒  
 兩箇知佛心才云金鞭擊動蒼龍窟吐霧擊空出海  
 門冥渤吸乾天上去空餘雷電滿山川佛眼遠云數



目分明舉即難衲僧無不膽毛寒須知更有壺中路但  
向須彌頂外看天童覺云老覺情多念子孫而今慚  
愧起家門是須記取南山語鑊骨鎗肌共報恩  
仰山夏末問訊瀉山山云子一夏不見上來在下面作何  
所務師云其鬼在下面鋤得一片畚下得一羅粟瀉云子  
今夏不虛過師却問和尚今夏作得箇甚麼瀉云日中一  
食夜後一寢師云和尚今夏亦不虛過道了乃吐舌瀉云  
寂子何得自傷已命

大瀉詰云仰山眼照四大天到大圓面前却向淨地上  
喫交大圓可謂養子之緣不免掛後人唇齒山佛眼遠  
云大衆瀉山父子尋常相見遊戲神通不同小小還存  
知得底麼若無山僧與諸人說看開一片田密密綿綿

兩頓粥飯其道自辨山僧一夏與諸人相見自是諸人  
不薦若或薦成一片看取當門箭天童覺云少當努  
力老舍歇心這一夏總不虛過為甚麼仰山道了吐舌  
若點檢得出禍不入慎家之門  
洞山聰頌云仰山何得太傷義吐舌忙然又泄機最得  
瀉山言點責得伊從此媿知非佛燈珣云一畝田兮  
三碩穀齋時飯兮早晨粥下期父子話家風功名萬古  
傳燈錄禪家流細觀曠勿謂斯言語蒼俗好似荆山白  
石頭會有卞和知是玉

臨濟玄禪師因赴普請鋤茶園次黃檗後至師問訊了按  
鑿而立檗云莫是困耶師云纔鑿地何言困檗拈拄杖便  
打師接住推倒檗乃喚維那拽起我來維那拽起云和尚



爭容得這風顛漢，劈却與維那。一掌師遂鑿地云：諸方火葬我，這裏活埋。

瀉山問仰山黃檗與臨濟：此時意作麼生？仰云：作賊人走却羅賊人，喫棒瀉云：如是如是。大瀉詰云：黃檗倒

地維那扶起火葬活埋清風未已。

真淨文頌云：奪旗製鼓著精神，父子雖親法不親。為報四方禪客道，等閑莫作守株人。佛鑑勸云：百頭馬裏

一頭驃，踢踏縱橫不奈何。今日風顛臨濟是，却令黃檗打維那。

玄沙偈禪師云：若論此事，喻似一片田地，四至界分結契，賣與諸人了也。只有中心樹子，猶屬老僧在。

鼓山珪頌云：萬事由王老師樹子未屬你，在廣額屠兒

成佛二祖大師償債，徑山杲云：祖父田園都賣了，四

邊界至不曾留柰何，猶有中心樹惱亂春風，卒未休。

地藏琛禪師一日插田，次見新到僧，乃問：甚麼處來？云：南方來。師云：南方佛法如何？僧云：商量浩浩。地師云：爭似我

這裏種田博飯喫。僧云：爭柰三界何？師云：喫甚麼作三界

僧無語。

大瀉詰云：清貧長樂，濁富多憂。

雲峯悅頌云：種田博飯喫，言中誰辨的。午後打齋鐘，真金曾失色。靈源清云：種田博飯喫，佛法要商量。言下

超三界，靈機發妙光。雲巖因云：種田博飯有來由，免

見區區向外求，莫謂勞心便努力。大都工拙要全收。

旻古佛云：種田博飯待方來，玄妙商量一任猜。無影樹



頭懸日月幾人於此便心灰

石門徹禪師僧問實際理地如何進步師云鳥道無前僧  
進語云幽谷白雲藏白雀擬心棲處隔山迷

石門聰別云棲心不住棲心地物外縱橫任法閑

西禪需頌云幽谷白雲藏白雀擬心棲處隔山迷直饒

不住棲心處猶落怡山第二機

○草木竹附

南陽忠國師問紫璘供奉甚處來奉云城南來師云城南  
草作何色奉云作黃色師乃問童子城南草作何色子云  
作黃色師云祇這童子亦可簾前賜紫對御談玄

大鴻詰云國師與麼問供奉與童子與麼答且道還有  
利害麼若也辨得許你親見國師若也未會城南草依

大前黃色

六月堂昌頌云慣使渡頭船如今不記年受他風浪惡之  
是趁倉錢

藥山儼禪師一日與道吾雲巖高沙彌遊山見兩株樹一  
榮一枯師乃問榮者是枯者是吾云枯者是師云酌然一  
切處令教枯淡去師又問雲巖巖云榮者是師云酌然一  
切處令光明燦爛去復問沙彌彌云枯者從他枯榮者從  
他榮師曰顯道吾雲巖云不是不是

五祖戒云夢中說夢兩重重  
保寧真頌云抹粉塗坯復裏頭盡由行主線牽抽鼓  
打破曲吹徹收拾大家歸去休  
佛慧泉云一枝榮一  
枝枯中心綠葉更扶蘇黃鸝住解千般語免得傍人嗔



子無海印信云落盡黃葉作金錢，癡眼啼兒見喜歡。  
捉得獻娘俱道好，不知誰是哂傍觀。雲巖因云年老  
心孤笑藥山，團纒諸子坐忘還。從頭纔問榮枯事，異孔  
元來總一般。楚安方云藥山用匙少人扶，堪笑雲巖  
與道吾猶向榮枯生解會，豈知潘閻倒騎驢。  
大為安禪師示衆云有句無句如藤倚樹，疎山問之徑往  
彼請問值師泥壁，次便問有句無句如藤倚樹，豈不是和  
尚道師云是山云忽遇補倒藤枯時如何，師放下泥盤呵  
呵大笑歸方丈，疎山隨後云某甲三千里賣却布單，特爲  
此因緣而來和尚何得相弄，師云侍者討錢還伊去，遂囑  
云向後有獨眼龍爲汝點破，在山後到明招舉前鞋，招云  
大鴈可謂頭正尾正，祇是不遇知音，山却問樹倒藤枯時

如何，招云更使爲山笑轉新山，因而有省，乃云爲山元來  
笑中有刀，遂遙禮悔過。一本  
海印信頌云樹倒藤枯他，一問呵呵大笑，有來由於羊  
掛角無尋處，直至如今笑未休。文殊道云樹倒藤枯  
問大鴈呵呵大笑顯全機，布單賣却般纏，一夜寒來  
說向誰。大洪預云冷刃吹毛笑裏來，爍迦羅眼不容  
裁，一目金龍曾舉爪，觸體覺痛頂門開。枯木成云江  
邊閑把直鉤垂，也有金鱗上釣時，三跳若能乘羽化，先  
殺漁父鯨雙眉。楚安方云添得爲山笑，轉新當時  
面已呈君明招漏泄，爲山句無限風光付與人，徑由  
果云若將此語定綱宗，辜負明招獨眼龍，笑裏忽分泥  
水路，交知千里共同風。年



香巖閑禪師垂語云如人上樹口嚼樹枝手不攀我脚不踏樹下忽有人問祖師西來意不對則違他辨問若對他又喪身失命當恁麼時作麼生即是時有虎頭上座出云上樹即不問未上樹請和尚道師呵呵大笑

雪竇顯云樹上道即易樹下道即難老僧上樹也致將一問來 翠巖之云問者對者不免喪身失命如今納僧作麼生 天童覺云虎頭上座是箇惡賊用無義手打不防家直饒本色作家性性做手脚不辦雪竇是別機宜識休各底漢到這裏亦祇得藏身露影是會香巖做亂麼 二十 劍客今何在獨許莊周見太平

保寧勇頌云曲設多方老古錐那堪枝上更生枝好如良馬窺鞭影逐塊且非獅子兒 佛慧泉云呵呵大笑

沒對誰上樹何如未上時任使香巖多伎倆傍觀不免為攢眉 地藏恩云香巖垂語真堪賞口嚼樹枝逐樹上此時不問祖師機且道渠農底模樣 上乃益云來路轉身難東西盡是山行人不到處風定落花閑 石門易云古聖悲心利後人口嚼枝上露全身直饒玄路無消息未免家中喪二親

臨濟玄禪師在黃檗栽松次黃檗云深山裏栽許多樹作麼師云一與山門作境致二與後人作標榜道了將頭打地 下下壁云雖然如是已喫吾下下棒了也師又打地 下下云噓噓壁云吾宗到汝大興於世

瀉山問仰山黃檗當時只囑臨濟一人別更有在仰云有只是年代深遠不欲舉似和尚瀉山云雖然如是吾



也要知但舉着仰云一人指南吳越今行遇大風即止  
大滌詰云臨濟與麼大似平地喫交雖然如是臨危不  
變方稱丈夫黃檗云吾宗到汝大興於世也是憐兒不  
覺醜應庵華云黃檗道雖然如是子已喫吾二十棒  
了也養子之緣故當如是臨濟正令雖行可惜向饅頭  
邊甘白活埋仰山見解未出常流豈止遇大風即止當  
時何不道直得盡虛空界盡此話在始大行豈不是頭  
正尾正落山今日持下而皮要與諸人相見云也舊指  
拄杖卓一下云驚群須是英靈漢敵勝還他獅子兒  
翠巖真頌云帶欄山洵畫玉疆漢高殿下有張良千言  
萬語無人會又逐流鶯過短牆  
多福禪師僧問如何是多福一叢竹師云一莖兩莖斜云

學人不會師云三莖四莖曲  
黃龍新云斜即任斜曲即任曲喚甚麼作一叢竹  
源岳云三年一閉喝一喝  
應庵華頌云一莖兩莖斜其意毒如蛇三莖四莖曲無  
疑入地獄言下若須非心空及第歸堪笑蔣山老無端  
入菴草  
雲門偈禪師僧問樹凋葉落時如何師云體露金風  
黃龍新云大小雲門境上縛殺雲巖即不然樹凋葉落  
時如何珊瑚枝枝撐著月雪堂行云大小死心向句  
裏縛殺山僧恁麼道為復歷良為賤為復別有道理  
泐潭清云若向言下取則句裏呈機要見雲門千山萬  
水何故妙体本來無處所通身那更有來由 教忠光



云雲門騎賊馬趕賊隊奪賊鎗殺賊只知其殺不知其  
活要知殺活莫隨言語太用現前超今越古松源岳  
拈拄杖云雲門可謂騎賊馬趕賊奪賊乃殺賊只是諸  
人不得恁麼會何也命若懸絲捉拄杖下座  
泉大道頌云體露金風觸颯周何須葉落始知秋清風  
樓上當年事直至如今笑未休雪竇頌云問既有宗  
答亦依同三句可辨一鍬遼空太野兮涼颯颯長天  
兮躑躅濛濛君不見少林久坐未歸客離依熊耳下叢  
叢佛性泰云涼風落木楚山秋滿樹寒蟬噪不休紅  
蓼白蘋開兩岸不知誰在釣魚舟白楊頌云金風體  
露復何言木道從來絕變遷一葉飄空天似水臨川人  
喚渡頭船佛鑑勸云樹凋葉落何時節體露金風九

月天蒲自真如入不會一川風月正備然

○花果

世尊昔在靈山會上拈花示眾是時眾皆默然唯迦葉  
者破顏微笑世尊云吾有正法眼藏涅槃妙心實相無相  
微妙法門不立文字教外別傳付囑摩訶大迦葉  
白雲端云迦葉善觀風雲別氣色雖然如是還覺頂門  
重癢黃龍心云直下穿過觸髅已是擦却眼睛臨危  
不在悚入向甚處見釋迦老子月庵果云太衆辨龍  
蛇別休各須是佩毗盧印具頂門眼還知釋迦老子為  
入處麼大似見兔放鷹看孔雀樹不妨善其樞要福嚴  
然則晚輩今日亦欲效顰乃豎拂子云見麼見麼良久  
云更深夜靜歸堂歇去



黃蝶勝頌云：靈山草地紅蓮發，白眉老翁笑不歇。  
洪韻震東西八萬，迷徒猶未醒。佛慧泉云：霜風掃地  
掃枯葉，誰覺東君令已回。唯有嶺梅先漏泄，一枝獨向  
雪中開。白雲端云：盡說拈花微笑，是不知將底辨宗  
風。若言心眼同時證，未免朦朧在夢中。正覺逸云：教  
外單傳事最奇，兜羅綿手舉花時。會中不得雞峰老，無  
限清香付與誰。無為子云：世尊舉花迦葉微笑，殃及  
兒孫上祖不了。長靈卓云：世尊拈花迦葉微笑，不落  
言商是何曲調，古洞風清寒潭月皎。無盡居士云：世  
尊迦葉不相知，陷虎機關各自施。正眼妙心真寶相，靈  
山會上付他誰。

牛頭山融禪師未宿四祖以前居牛頭山棲於北巖感百

鳥銜花用以供養後四祖來廣說法要遂乃開悟此後百  
鳥不復銜花後有僧問南泉牛頭未見四祖為甚麼百鳥  
銜花獻泉云為渠步步踏佛階梯云見後為甚麼不來泉  
云直饒不來猶較玉老師一線道  
云雲門云南泉只解步步登高不解從空放下僧問如何  
是步步登高門云香積世界云如何是從空放下門云  
真滿塞壑洞山於階梯處云如掌觀珠意不暫捨又  
於一線道處云通身去也  
雲竇顯頌云牛頭峯頂鎖重雲獨坐寥寥寄此身百鳥  
不來春已過不知誰是到庵人無為子云紫氣氤氳  
透白雲因逢宗匠指迷津銜花百鳥空惆悵不見庵中  
舊主人相印明云諶寂同為不二門莫來無佛更稱



真寄言牛首庵中老百鳥啼花禍有根 夢庵信云寥  
寥風月卧煙霞百鳥從茲不獻花人義盡從貧處斷世  
情偏向有錢家 無盡居士云花落花開百鳥悲庵前  
物是主人非桃源咫尺無尋處一棹漁蓑寂寞歸 天  
童覺云花鳥不來空過春牛頭山上懶融人自心淨故  
元無作放下許多閑苦辛

大梅常禪師因龐居士問又響大梅未審梅子熟也未師  
云你向甚處下口士云百雜碎師云還我核子來

云翠巖芝云此二人大似把手上高山

神松源岳頌云大梅梅子熟龐老已先知正眼驗深要相  
鼻逢拍手歸

南泉願禪師因陸巨大夫云鑿法師也甚奇怪解道天地

同根萬物一體師指庭前牡丹花云大夫時人見此一株  
花如夢相似

圓悟勤云陸巨大夫手攀金鎖南泉八字打開直得七

珍八寶羅列目前乃豎起拂子云天地一指萬物一馬

通身是口分疎不下 保寧勇代陸拍手云阿誰到這

箇田地 經山杲云這下則公案流布叢林近二百載

中間有無數善知識出世只是未嘗有一人與伊分明

判斷徑山今日與伊斷却若向理上看非但南泉謾他

陸巨一點不得亦未摸著他脚下下莖毛在若向事上

看非但陸巨謾他南泉一點不得亦未摸見他汗臭氣

在或有人出來道大小徑山說理說事即向他道但向

理事上會取 瑞巖恭云大夫致箇問端不好奇特被



南泉將一粒黑豆換却眼睛便見忘前失後  
雪竇顯頌云見聞覺知非一一山河不在鏡中觀霜天  
月落夜將半誰共澄潭照影寒上方益云一枝兩枝  
千萬枝金刀擬剪却離披不離披有誰知自緣今日人  
心別未必秋香一夜衰黃龍心云舉則易見還難彌  
盧頂上天風寒峨峨直下蒼龍窟誰敢覷著死心新  
云舉則易見還難同根天地又顛預南泉指出花如夢  
對此憑君子細看佛鑑勸云南泉瀝膽為諸人笑指  
庭前別是春不是守株閑待兔直須騎鶴上青雲徑  
山果云天地同根伸一問未曾擡步已忘家無陰陽處  
花重發玉本無瑕似有瑕

瀉山禪師與仰山遊行次鳥啣一紅柿落師前師將與

仰山仰接得以水洗了却與師云子甚麼處得來仰云  
此是和尚道德所感師云汝也不得空然即分一半與仰  
山

玄沙云大小瀉山被仰山一坐至今起不得

古德頌云鴨嘴柿子落師前致獻何來事皎然各分一  
半耳如蜜如今不會是何年

睦州見僧來參師便喝云上座如何偷常住果子僧云某  
甲方到因甚道偷果子師云賊物是在嚮

保寧勇代云這老賊

松源岳頌云傾盡寶山寶全身入荒草若是鳳凰兒不  
向那邊討

靈雲勤禪師參瀉山見桃花悟道有頌云三十年來尋劍



客幾回葉落又抽枝自從一見桃花後直至如今更不疑  
舉似鴻山山云從緣得入永不退失汝善護持後玄沙問  
云誰當甚誰當敢保老兄猶未徹在

長慶因僧問玄沙意旨如何慶云將謂胡鬚赤更有赤  
鬚胡保寧勇云且道靈雲見甚麼道理莫是悟得箇

萬法不生不滅無去無來空寂之理麼若與麼何曾悟  
在只如玄沙與麼道為復是肯他不肯他若道肯他玄

沙眼在甚麼處若道不肯他靈雲有甚麼過眾中商量  
極多所以十聞不如一見保寧亦敢保諸人未徹在

南華尚云靈雲悟處窮盡萬法根源玄沙稱提半斷千  
差要路一唱一酬一舒一卷大似把手上高山然雖如

是路逢劍客須呈劍不是詩人莫獻詩長蘆心云靈

雲玄沙好一對無孔鐵鎚競生節自若是長蘆門下與  
夜一坑埋却何故結玉無瑕雕文喪德

首山念頌云分明然世三十春因悟桃花色轉新人人  
盡得靈雲意不識靈雲是何人神鼎誣云傷嗟尋劍

客桃花遇春開靈雲一見處令我笑哈哈慈明圓云  
二月桃花處處新靈雲一見更無親相逢盡道休官去

林下何曾見一人雪竇顯云本無迷悟數如麻獨許  
靈雲是你家借問徧參諸祖客不知何處見桃花

叢真云子路當時問要津滔滔天下丈夫人相逢相見  
若如此更有春風春又春覺範洪云靈雲一見不香

見紅白枝枝不著花巨耐釣魚船上客却來平地拽魚  
蝦開福寧云百煉精金大冶中任他騰焰百天紅須



史拈出教人看添得行家價轉豐

洞山价禪師因請泰首座喫果子次乃問有一物上拄天下拄地黑似漆常在動用中動用中收不得你道過在甚處泰云過在動用中師便喝乃令撥却果卓入時  
五祖戒別首座云朝來更獻楚王看 琅琊覺云若不  
是洞山老人焉能辨得雖然如是洞山猶少一著在  
大瀉詰云還知洞山落處麼若也不知往往作是非得失會去山僧道這果子莫道泰首座不得喫設使盡大地人求亦不得正眼觀著 雲蓋本云洞山雖有打破  
虛空底鉢鉢且無補綴底金線待伊道過在動用中但  
道請首座喫果子泰首座若是箇漢喫了也須吐出  
陳善謙云洞山倚勢欺人真如隨風倒拖忽有人問山

僧道過在甚處更拈果子便喫何故下坡不走快便難

逢 黃龍忠云垂絲千尺意在深潭泰首座又戰沙場

功名不就鴻山當時若見洞山問了便揖云請喫果子

直饒洞山有懸河之辯也須教伊結舌 南堂靜云洞

山老坐籌幃檣決勝千里泰首座通身是口有理難他

疎山仁禪師因靈泉問枯木生花始與他合是這邊句是

那邊句師云亦是這邊句泉云如何是那邊句師云石牛

吐出三春霧靈雀不棲無影林

丹霞溥頌云滄海無風波浪平煙收水色虛含月寒光

一帶望何窮誰辨箇中龍退骨

風死僧問語默涉離微如何通不犯師云常憶江南三月

裏鷓鴣啼 百花香



雪竇顯云曾有人問我對他道劈腹剜心又且如何復  
云因風吹火別是一家傷龍起龜必應有主大鴻秀  
云江南佳景誠合如之千載觀光添人性德儻或不爾  
來年更有新條在惱亂春風卒未休天童覺云露巢  
巢圓陀陀直是無稜縫且道風元無稜縫何以雪竇無  
稜縫還會稜和光惹事到篤成家  
海印信頌云鷓鴣啼處百花香拊掌呵呵笑一場因憶  
舊年遊歷處送入雲塢入斜陽寶峯明云鷓鴣啼處  
百花鮮紅國從來路坦然為報途中夫歸客謝家人不  
在漁船鼓山珪云快騎駿馬上高樓南北東西得自  
由最好腰纏十萬貫更來乘鶴上揚州徑山杲云忽  
爾出門先見路纔方下脚便登船神倦秘訣直堪惜父

子雖親不可傳

智門祚禪師僧問蓮華未出水時如何師云蓮華未出水  
後如何師云荷葉

天童覺云靈龜無卦兆空殼不勞鑽

雪竇顯頌云蓮花荷葉報君知出水何如未出時江北  
江南問王老一狐疑了以狐疑白雲端云蓮華荷葉  
有由哉泥水分時絕點埃堪憶九龍初沐颺東西一步  
一枝開無盡居士云蓮華荷葉共河中華葉年年綠  
間紅春水連漪清徹底一聲啼鳥五更風佛鑑勸云  
香菴冷透波心月綠葉輕搖水面風出未出時君看取  
都盧只在池中慈受深云兩餘檻外畫堂碧風撼  
池中柄柄香多謝流沙人不折雨中留得蓋鴛鴦



淨衆信禪師僧問蓮花未出水時如何師云菡萏滿池流  
云出水後如何師云葉落不知秋

天童覺云李陵持漢節瀋園倒騎驢

丹霞淳頌云白藕未萌非隱的紅花出水不當陽遊人  
莫用傳消息自有清風迤遠香

雪竇顯禪師僧問山花開似錦澗水湛如藍學人分上為  
甚麼不會師云棺木裏瞠眼云條麼則從苗辨地因語識  
久也師云三十棒且待別時

白雲端頌云一枝枯草強遮蓋明鏡當軒燭盡幽滿面  
漸惶移步去清光灼灼避無由

○香燈

龍潭信禪師因德山侍立抵夜師云夜深子何不下去去山

遂珍重揭簾而出見外黑却回云外面黑師乃點紙燭度

與山山擬接師便吹滅山忽大悟作禮師云子見箇甚麼

道理山云某甲從今以去不疑天下老和尚舌頭也師全

明日陞堂告衆云中有箇漢牙如劍齒口似血盆一棒

打不回頭他時向孤峯頂上立吾道去在山遂取立出疏

鈔將一炬火提起云窮諸玄辯若一毫致於太虛竭世權

機似一滴投於巨壑將疏鈔便燒却禮辭而去

白雲端頌云明暗相凌不足云絲毫有礙未為親紙燈

忽滅眼睛出打破大唐無一人保寧寺云一條蒸布

巖前落半夜金鳥掌上明太口開來添意氣與誰云下

共橫行上方益云一陣旋風霧靄開十山峯突出百石崖  
鬼驚依怨鶴拋來又半夜山前喚得回 大共遂云明



暗相形事渺茫誰知腦後迸神光都來割斷千差路南  
 北東西遠本鄉天寧鍾云德驕龍潭碎啄機芥針投  
 合契玄微孤峰盤結朦頭坐不顧青山雲自歸  
 雲巖晟禪師僧問二十年在百丈巾鉗為甚麼心燈不續  
 師云頭上寶華冠僧云頭上寶華冠意旨如何師云大唐  
 天子及冥王後僧舉問九峯度禪師大唐天子及冥王意  
 旨如何度云却憶洞上之言  
 丹霞淳頌云玉鞭高舉擊金門引出珊瑚價真論迥古  
 輪王全意氣不彰寶印自然尊  
 香林遠禪師僧問如何是室內一盞燈師云三人證龜成  
 鼈或作  
 投子青頌云六耳同謀事可成直言方表赤心入室中

燈跋誰來撥白髮童兒兩鬢新西禪靈云三人證龜  
 成鼈剛把天機漏泄亦人鎖上歌歌石女眼中滴血  
 慈明圓禪師在衆時到芝和尚寮芝坐間開合子拈香燒  
 次師問作麼生燒芝便放爐中燒師云斷郎當漢又恁麼  
 去也  
 白雲端頌云千人萬人行一路幾箇移身不移步對面  
 拈香爐上燒斷郎當漢又恁麼  
 搬掃  
 打地禪師自江西頌音自悔其名凡學者致問惟以棒打  
 地而示之時謂之打地和尚下日被僧藏却棒然後問師  
 但張其口僧問其門人云只如和尚每有又問便打地意  
 旨如何門人即於竈底取柴一片擲在金中



趙州諗禪師見僧掃地遂問與麼掃還得淨潔也無僧云  
轉掃轉多師云豈無撥塵者僧云誰是撥塵者師顧視云  
會麼僧云不會師云問取雲居去其僧後問雲居如何是  
撥塵者居云這瞎漢

曹山本寂禪師問僧甚處去來僧云掃地來師云佛前掃  
佛後掃僧云前後一時掃師云與我過袈裟來

五祖戒出僧語云和尚是何心行

汾陽昭頌云器量方圓得見伊問君掃地是慈悲前後  
一時俱掃却也是拖來第二機

○崇新

雲峯存禪師因普請次前負一束藤路逢一僧便拋下叉  
手立僧擬取師便踏倒歸寮似長生云我今日踏得這僧

甚快生云和尚替這僧入涅槃堂始得師休去

法眼因有一僧各說道理請師斷師云汝兩僧一時入  
涅槃堂玄覺云甚麼處是替那僧入涅槃堂處雪

竇顯云長生大似東家死人西家助哀也姪與一踏

白雲端云雪峯外面贏得五百家中失却一貫崇壽

稠云此一轉語却還老兄東禪齊云只如長生意作

麼生南堂靜云雪峯一踏別傳教外雪竇一踏千古

無對長生答對失錢遭罪若久點檢得出老僧只呵呵

大笑且道笑與踏是同是別良久云參

上方益頌云暗拋香餌在江濱果是金鱗釣得歸不是

絲綸枉得疾幾乎輸與鷺鷥兒佛燈珣云偉哉雪老

法中英眉上藤新觀面呈目前不薦當頭著在身一踏



倒囊傾會知擔重因柴束自然便重不便輕何山產我  
諸禪侶孩兒須是的親生

與教壽禪師因在天台韶國師處一日搬柴墜落而悟乃  
成一頌云撲落非他物縱橫不是塵山河及大地全露法  
王身國師然之

法昌遇禪師因普請牽木木衆放歇師云木衆你麼生是  
時師因緣一偈乃發號聲師云只得不成信云和尚尊意  
如何師云拽

禪林類聚卷第十九  
其對坐法味尚替

禪林類聚卷第二十

獅象

龍虎

牛鹿

猫犬

龜魚

鬼蛇

飛走

御象

雲巖晟禪師因藥山問汝會弄獅子是不師云是山云  
弄得幾出師云弄得六出山云我亦弄得師云和尚弄得  
幾出山云我弄得一出師云一即六六即一師後到瀉山  
為問承長老在藥山弄獅子是不師云是瀉云長弄得有  
置時師云要弄即弄要置即置瀉云置時師子在甚處  
師云置也置也

法昌云好一場獅子只是弄得有頭無尾當時若一見為



山道置時獅子在其處便與放出踞地金毛獅子直  
教為山藏身無路 湛堂隼云藥山雲巖鈍置於人兩  
子父弄箇獅子也弄不出若是隼上座只消獨自弄  
拽得來拈頭作尾拈尾作頭轉滿箇金睛攪幾鈎鐵爪  
吼一聲直令百車內猛獸潛蹤蒲空裏飛禽亂墜隼上  
座去弄獅子請大衆高著眼先看做一箇定場以拄杖  
擲下云箇中消息子能有幾人知喝一喝  
雪竇顯頌云片想金毛獅子子梅檀林下青莎裏置也  
置也威自全一出不出眉趯起非擬擬知幾幾星流不  
問三千里天外風清唳吼時為君吸盡西江水咄  
仰山寂禪師因見雪獅子乃指云還有過得此色者麼衆  
無對 懸象卷二十一

雲門云當時好便與推倒 雪竇顯云雲門只解推倒  
不解扶起 琅琊覺云即今問汝諸人推倒扶起相去  
多少拄杖子拶過眉毛鼻孔呵呵大笑便擲下拄杖  
靈隱昌云推倒也錯扶起也錯且道還有過此色者麼  
天童覺頌云一倒一起雪庭獅子慎於犯而懷仁勇於  
為而見義清光照眼似迷家明白轉身還墮位衲僧家  
了無事同死同生何此何彼暖信破梅兮春到寒枝凉  
飈脫葉兮秋澄涼水  
百丈林師頌云龍虎  
黃檗運禪師因百丈問甚處去來師云大雄山下採菌子  
來丈云還見大蟲麼師便作虎聲丈拈斧作斫勢師遂與  
丈一擲丈吟吟而笑便歸陞座謂衆云大雄山下有一大



盡汝等諸人也須好看百丈老漢今日親遭一口  
馮山問仰山仰云和尚恁生馮云百丈當時便合一卷  
斫殺因甚麼到此仰云不然馮云子又作麼生仰云  
百丈非唯騎虎頭亦解把虎尾馮云子有嶮崖之句  
五祖戒云百丈大似作賊人心虛黃檗熟處難忘  
佛眼遠頌云六雄山下斑斑虎觸著傷人誰敢顧親遭  
一口老婆心何曾用著腰間斧

龍潭信禪師因德山初來參便問久響龍潭及乎到來潭  
不見龍又不現師云子親到龍潭德山作禮而退  
玄覺云且道德山肯龍潭不肯龍潭若肯德山眼在甚  
麼處若不肯為甚麼承嗣他 雪竇顯云將錯就錯  
黃龍心云雪竇與麼道不知德山將錯就錯龍潭將錯

就錯識休各底衲僧必知去處未過關者亦宜辨白還  
相委悉麼縱饒栽種得不是棟梁材 雲峯悅云大小  
德山向薩羅裏淹殺 保寧勇代德山云泊金放過  
五祖演云龍潭老人云謂騎賊馬趕賊  
保寧勇頌云浩渺深沈納衆流護持香餌金鈎風雲  
合而雷運動應訝龍王不出頭 羅漢南云親到龍潭  
不見龍妙符先覺證玄宗某庵盤結孤峯上靜對寒  
掛碧空 佛國白云親到龍潭不見龍龍潭龍不在潭  
中青天白日與雲雨千古同笑葉翁 長靈卓云潭  
不見龍不現親到龍潭遭下玷斲然歸去牙如剝漆頭  
撒出光皎皎

巖頭衲禪師僧問路逢猛虎時如何師云撥



圓悟勸云天無四壁地絕八維直得萬龍攢心千鐘  
一體也敵他這一機不得還委悉麼六六元來三十六  
破菴先頌云巖頭一機虛空迸裂父子不傳神德妙訣  
玄沙備禪師與天龍普請往海坑砍柴見虎龍云前面是  
虎師云是汝阿虎龍歸院乃問適來山中見虎云是汝未  
審和尚尊意如何師云娑婆世界有四種重障若人透得  
許汝出陰界  
東禪齊云上座古人見了道我身心如大地虛空如今  
人還透得麼 雲實顯云要與人天為師前面端的是  
虎  
保寧勇頌云猛虎當途獨振威爪牙真箇利如錐可憐  
不覺亡身者碎骨拾來良可悲 天佛慧泉云前虎後虎

急須看取凜烈威風生獐狐距今古樵人不再顧喪身  
朱命知何數若回顧唯唯坐斷山前路 佛眼遠云宗  
師方便太慈悲是汝之言竇古維萬里神光騰頂後肯  
將生死嚇愚癡  
明招謙禪師問僧虎生七子那箇無尾云第七箇無尾  
自解據虎頭自然頭正尾亦正 徑山泉云第七箇無  
沒尾巴食牛之氣已堪誇叢林排排爭看吻幾箇行人  
得到家  
大普通禪師僧問驪龍領下珠如何取得師乃拊掌驤視  
黃龍南禪師云鐘樓上念讚牀脚下種菜時如何黃葉落  
禪師云猛虎當路坐



鼓山珪頌云猛虎當路坐遊魚脚底過不學紫湖老便  
打劉鐵磨徑山泉云直出直入當面不識更擬如何  
大著甚死急

白雲端云枯桐秋動葉先落日暮山房夜坐長

天曉起來回首見颯颯風光斷絀悵 拈頌集首

○牛鹿

南泉僧問和尚百年後向甚麼處去師云作一頭水牯牛  
去僧云某甲隨和尚去得不師云汝若來請取一枝草來  
汾陽昭頌云類中難辨要分明戴角披毛幸未惺情取  
草來方定動頭頭物物自真靈 佛惠泉云異類中行  
得自由拽穿鼻孔卒難奴草枝猶得相逢處高即深雲  
任白頭 佛印元云行履從來異類中不知頭角與誰

同若衙水草來相見擺尾搖頭四野風

藥山晚參不點燈師云我有一句子待攢牛生兒即向你  
道時有僧便出云攢牛生兒也祇是和尚不道師喚侍者  
將燈來其僧便抽身入衆

洞山云這僧會即會只是不肯禮拜 法燈欽云生底

是攢牛兒攢牛兒又代云雙生 靈巖芝云我思不然

攢牛生兒也不向你道何故如是若向你道何處更有

王老師 崇覺空云藥山三寸甚密手奈被這僧下

粒巴豆直得心肝五藏一時吐出直饒討得火來也是

半夜天明

佛眼遠頌云攢牛生子頗相諳兩眼通紅色似蓋把火

照來無覓處大家普請一時參



趙州論禪師問南泉知有底人向甚麼處去泉云向山前  
檀越家作一頭水牯牛去師云謝師指示泉云昨夜三更  
月到牕

雲峯悅云若不是南泉泊被打破蔡州佛鑑勸云若  
教頻下淚東海也須枯徑山泉云雲峯老人失却一  
隻眼殊不知只因後語當下打破蔡州  
保寧勇頌云拽脫鼻頭何處是亂拋泥水恣縱橫日斜  
倒坐騎歸去又見東山片月生寶峯祥云出窟金毛  
奮父機同聲哮吼衆狐疑三更牕月如清晝誰敢重來  
弄嶮巖鼓山珪云眼中見慣是尋常又不驚人又  
長留得寒牕夜來月三更依舊照茅堂徑山泉云度  
體裁衣量水打碓牽髮不差且居門外

瀉山祐禪師示衆云若僧百年後向山下檀越家作一頭  
水牯牛於左脇書五字云瀉山僧某甲此時若喚作瀉山  
僧又是水牯牛喚作水牯牛又云瀉山僧某甲且道喚作  
甚麼即得仰山出禮拜而去

雲君膺云師無異辯資福代作一圓相托起新羅  
情代作此相呈之又云同道者方知南塔湧云下  
千五百人善知識只得一半芭蕉徹代當時作此  
相呈之又云說也說了註也註了悟取好保寧更云  
一等是入泥入水淨衆岳云瀉山雖是善因而招惡  
果灼然作一頭水牯牛去我當時若見便道這老牛向  
甚處去晉取一場懨懨大瀉智云瞎却天下衲僧眼  
道吾真領云水牯瀉山直截機分明人類顯幽而透



語道身起夜鳥投林曉復飛  
白雲端云不道瀉山  
不道牛灼然何處辨蹤由絲毫  
踏却來時路萬劫無由  
得出頭保寧身云改却形容  
換却頭當陽難隱箇蹤  
由驢名馬字雖呼喚多少傍觀  
滿面羞真如詰云蹄  
角分明蹤必周不勞管帶不勞  
收但知不犯他苗稼水  
草隨緣得自由佛心才云翻手  
畫空字已成忙忙人  
問兩頭明處原不是逢源又千  
古誰人論獨醒海印  
信云山下為牛山上僧河沙異  
跡未為能常愛暮雲歸  
味合遠山無限翠層層無盡  
居士云野徑跡步賺殺  
人早曾耕遍大田春有時落草  
無尋處顯現瀉山老漢  
本身  
黃檗運禪師一日與裴相國行  
次見農夫耕田泥深牛不

罷行農夫便打裴惻然憫之師云毒打裴云太善知識何  
得如此師云兩隻脚兒耕不得  
水庵一頌云運師裴相老婆心不顧泥深與水深痛捧  
毒槌行異類從教皮下血淋漓  
德山鑑禪師僧問如何是露地白牛師云咩咩僧云飲噉  
何物師云喫  
洞山聰頌云玉角霜毛露地牛人間天上顯蹤由不同  
雪嶺時時吼肯若瀉山日日收  
神山密禪師與洞山行次忽見白鹿走過師云俊哉洞云  
作麼生師云大似白衣拜相洞云老老大大作這箇說話  
師云你作麼生洞云積代簪纓暫時落薄或作白鹿  
天童覺頌云抗力霜雪平步雲霄下惠黜國相如過橋



蕭曹謀畧能成漢巢許身心欲避堯寵辱若鷲深自信  
真情參跡混漁樵

投子同禪師僧問如何是露地白牛師云叱叱云飲噉何  
物師云喫喫

乾明惠覺頌云露地白牛起問端隨機叱叱齒牙寒不  
知飲噉是何物喫喫直教滄海乾

涌泉欣禪師因唐武宗廢教在院看牛時有驢德一禪客  
到於路次見師騎牛不識乃云蹄角甚分明爭奈騎者不  
識師驤牛而去一禪客相次憇於樹下煎茶師却回下牛  
近前問訊與坐喫茶師乃問一禪客近離甚處云那邊師  
云那邊事作麼生禪客提起茶盞師云此猶是這邊那邊  
事作麼生二人無對師云莫道騎牛者不識好

丹霞淳頌云芳草鼻鼻豈變秋牧童白牯恣優遊異中  
有路人難見却謂騎牛不識牛

風沈沼禪師僧問塵鹿成群如何射得塵中主師云釣脫  
載到瀟湘岸氣咽無寥問白鷗

投子青頌云禁殿重闌視聽危側息偏立絳綸垂漢鄉  
雲斷汀洲迥嶺暮後啼孤月隨

石門徹禪師僧問雲光作牛意旨如何師云陋巷不騎金  
色馬迴途却著被欄衫

丹霞淳頌云瑞草叢中懶欲眠徐行處處迫備然披毛  
戴角人難識為報芒童不用鞭

○猫犬

南泉願禪師因兩堂首座爭猫兒師乃提起云六衆道得



即教取道不得即斬却也衆無對師遂斬之至晚趙州從  
外歸師舉袂州州乃脫履安頭上而出師云子若在即教  
得猫兒

保福云雖然如是也即是破草鞋 翠巖芝云大小  
趙州祇可自救 保寧勇代但引頸向南泉面前  
汾陽昭顯云兩堂上座未開盲猫兒各有我須事一刀  
兩段南泉手草鞋留著後人行 雪竇顯云兩堂俱是  
杜禪和撥動煙塵不奈何賴得南泉能舉令一刀兩段  
任偏頗又云公案圓來問趙州長安城裏任閑遊草鞋  
頭戴無人會歸到家山即便休 羅漢南云作者縱橫  
斬萬機趙州頭戴草鞋時當臺寶鑑無私燭離匣金刀  
豈亂揮 圓通偈云狼煙起處看兵機不是將軍孰辨

伊兩段一刀坎下令威風千古勸雄基 佛心才云伯

牙之絃鸞膠可續調古風淳霜月可掬南泉南泉龍象

繼躡 佛眼遠云安國安家不在兵魯連一箭亦多情

三千劍客今何在獨許將軍建太平

趙州諗禪師僧問狗子還有佛性也無師云無云蠢動含  
靈皆有佛性狗子因其麼無師云爲他有業識性在又一  
僧問師狗子還有佛性也無師云有云既有爲甚麼入這  
皮袋裏來師云知而故犯

翠巖芝云說有說無兩彩一賽如今你麼生 五祖演

云木衆你諸人作麼生會老僧尋常只舉無字便休你

若透得這一箇字天下人不奈你何你諸人作麼生透

還有透得徹底麼有則便出來道看我也不要你道有



也不要你道無也，也不要你道不有不無，你作麼生道珍

重

真淨文頌云：言有業識在誰，云意不深，海枯終見底，人死不知心，猶圓通秀云：少年學解，昧宗途，老樹依還，滯有無，古佛繩金，誰辨色，或為機智，競躊躇。昔融平云：計有無，雙放復，雙收趙老，機關世，莫信試上，海門高處，望千江萬派，盡東流。疎山如云：狗子無佛性，慈悲似海深，尋言逐句，若埋沒丈夫心。慈受深云：趙州口裏有，雌黃白下，誰人見短長，堪笑幾多逐塊狗，夜深無故吠虛堂。徑山泉云：有問狗佛性，趙州答曰：無言下滅胡族，猶為不丈夫。

紫湖蹤禪師門下立一牌，牌上書云：紫湖有狗，上取人頭。

中取人腰，下取人脚，擬議則喪身，朱命或新到，纔相看便喝云：看狗，僧纔回首，師便歸方丈，或有僧問如何，是紫湖狗，師云：嗥嗥。

雪竇顯云：象中總道這僧著，一口著則著了也。爭奈這僧在，敢問諸人：紫湖狗著者，便死，因甚麼？這僧猶在，若無知方，眼救得這僧，設使紫湖出此，齧煞百千萬箇，有甚益？我當時若見先，砍下牌，然後入院，待這老漢喝云：看狗，與伊放出箇焦尾木蟲，如今諸人要見麼？日勢補晚歸堂。

佛國白頌云：紫湖狗子，最威憚來者，投明莫暗，行向道，箇影如不見，當頭齧殺，喪平生。正覺逸云：紫湖堂上，絕人行，只為堂前狗子，獐見影，聞聲，心膽懾，當頭寧免。



喪殘生 佛眼遠云若大宗師沒已鼻養狗之緣太兒  
戲奪牌禪客如到來鉛力事及吹毛利

曹山本寂禪師曾問世間甚麼物最貴師云死猫兒最貴  
云為甚麼死猫兒却貴師云無人蓄價

天童覺云曹山物貨不入行市子細看來直是一錢不  
直曹山遇賤則貴我這裏遇貴則賤且道還有相違處

磨 丹霞溥頌云腥臊紅爛不堪親觸動輕輕血汚身何事  
香無人蓄價為伊非是世間珍

○龜魚

大隋真禪師因庵畔有一龜僧指其龜問一切眾生皮裹  
骨這箇衆生為甚骨裹皮師拈草鞋覆龜背上

白雲端頌云分明皮上骨團團卦畫重重更可觀拈起  
草鞋都蓋了大隋却被這僧謾 保寧勇云露足戴頭

可笑奇千年誰謂是靈龜兩頰不解隨流去浮木相逢  
又幾時 是古佛云懶安的子大隋師一著當頭更莫

疑大地山河都蓋了從他衲子下針錐 禾山方云千  
古清聲老大隋機鋒壁立杳難窺未能直下起凡聖只

道將鞋蓋却龜 照覺總云皮骨骨將問大隋當頭一  
著更狐疑可憐無限尋聲跡不薦羚羊掛角時

三聖然禪師問雪峯透網金鱗未審以何為食峯云待汝  
出網來却向汝道師云一千五百人善知識話頭也不

峯云老僧住持事繁 保福展云乘不足讓有餘 雪竇顯云可惜放過好與



三十棒這棒一棒也饒不得直是竿遇你家 承天宗  
云布幔天網須是雪峯深八虎穴還他三聖眾中有般  
漢商皇道雪峯在網內三聖在網外苦哉苦哉深屈古  
人若非此二真作家不能橫行天下 大鴻喆云三聖  
可謂龍門萬仞慣曾你客雪峯大似孟嘗門啓豈懼高  
賓  
汾陽昭頌云透網之魚不識釣貪遊浪水認浮頭高難  
坐釣垂慈者回棹收綸却上舟 真淨文云老倒漁翁  
坐釣臺金鱗赫赫鼓波來海門空闊纜施網霹靂一轉  
天地開 真如喆云透網金鱗制電機休云滯水與拖  
泥雷霆一擊青霄震傾瀉何處不滂瀉 王祖演云洞  
裏無雲別有天桃花似錦柳如綿僊家不會論春夏石

爛松枯是一年  
古德云是日已過命亦隨滅如少水魚斯有何樂  
神鼎誣云古人係裝道非有利益非無利益神鼎即不  
然是一日已過命亦隨滅如少水魚有何不樂且道這古  
人願古人試檢點看珍重  
深明二上座因到淮河見人牽網有鯉魚透出明云深兄  
俊哉一似箇衲僧深云雖然如此爭似當初不撞入網羅  
好明云深兄你欠悟在深行三十里方省一本小異  
虎丘隆云明上座釣頭有餌深禪老一釣便上虎丘當  
特若見他道深兄你欠悟在只對道今日網得一箇  
不獨塞斷明上座口且要千古之下免入恠笑山僧亦  
有箇纏天網子遂舉起拂子云還見麼山僧喚你拂子



了也諸人且喚作甚麼若喚作拂子未出山僧網子在  
於不喚作拂子行脚眼在甚麼處是汝諸人還見虎丘  
為人處麼三汲浪高轟霹靂一聲透過禹龍門  
鼓山珪頌云網中跳出便飛騰好箇天然後衲僧何以  
當初未入網倍來方始是知音 徑山景云後哉一躍  
透重淵霹靂追之去不還却笑龍門僊尾者依前點額  
在波瀾

○兔蛇

歸宗常禪師因刻草次有座主來參偶見一蛇過師遂鋤  
斷之主云父響歸宗元來是箇龜行沙門師云你龜我龜  
主云如何是龜師豎起鋤頭主云如何是細師作斬蛇勢  
主云與麼則依而行之師云依而行之且置你甚處見我

斬蛇主無對

雪峯圓德山古人斬蛇意旨如何山便打峯便走山召  
云布衲子峯圓首山云他後悟去方知老漢徹底老婆  
心 雪竇頌云歸宗只解慎初不能護末德山頌能護  
今日未明斬蛇乃云大衆看翠峰今日斬三五條以拄  
杖一時打散 佛鑑勸云歸宗雖龜籠中有細座主雖  
細細中有龜要得籠細兩忘須會斬蛇意始得若會得  
一住依而行之若未會各各照顧脚下擲拄杖下坐  
五分陽昭頌云盧巖宗師接上機斬蛇特地施慈悲高茅  
盡盡主驚怖怕却道龜心錯是非 海印信云太用縱橫  
六世電機爍迦羅眼尚膠精迷徒夢裏爭唇吻却憶隨他  
六一隨 南華曷云千尋竿上翻筋斗大海波心攬釣



鈞大體還他肌骨好不搽紅粉也風流  
大隋真禪師因燒山次見一蛇師以拄杖挑向火中出云  
這箇形骸猶自不放捨你向這裏死如暗得燈時有僧問  
正當恁麼時還有罪也無師云石虎叫時山谷響木人吼  
處鐵牛驚

南堂靜頌云劫初劫末法弱魔強定光老子鐵作脊梁  
文經武緯把定封疆碧天雲散祖風涼佛日光輝舜日  
長

雪峯存禪師示眾云南山有一條鼈鼻蛇汝等諸人切須  
好看長慶出云今日堂中大有人喪身朱命雲門以拄杖  
攢向師面前作怕勢僧舉似玄沙沙云須是稜兒始得雖  
然如此我即不與麼僧云和尚作麼生沙云用南山作麼

真淨文云奇哉善和出處悲父不生其子葛拈拄杖云  
一木衆云南山鼈鼻蛇却在這裏擲下拄杖云擬即喪身  
朱命

雪竇顯頌云象骨巖高人不到到者須是弄蛇手稜師  
備師不奈何喪身朱命有多少韶陽知重撥草南北東  
西無處討忽然突出拄杖頭拗對雪峯大張口大張口  
兮同閃電剔起眉毛還不見如今藏在乳峰前來者一  
一看方便師高聲唱云看脚下白雲端云象骨鼈鼻蛇  
當木路稜師可惜便亡身雲門弄得雖然活象似南山  
不用親直淨文云打鼓弄琵琶相逢一會家雲門能  
不識長慶解隨邪古曲非音律南山鼈鼻蛇何人知少  
訣的子是玄沙 天童覺云玄沙太剛長慶少勇南山



驚鼻死無用風雲際會頭角生果見韶陽下手弄下手  
弄數電光中看變動在我也能遣能呼於彼也有擒有  
縱底事如今付阿誰冷口傷人不知痛

洞山度禪師僧問學人徑往時如何師云死蛇當大路勸  
手莫當頭云當頭者如何師云喪子命根云不當頭者如  
何師云亦無回避處云正恁麼時如何師云失却也云未  
審向甚麼處去師云草深無覓處云和尚也須隄防始得  
師拈掌云一等是毒氣

丹霞溥頌云長江澄徹印蟾花滿目清光未是家借問  
漁舟何處去夜深依舊宿蘆花 天童覺云三老暗轉  
旛孤舟夜回頭蘆花兩岸雪煙水一江秋風力扶帆行  
不棹笛聲喚月下滄洲

○飛走

世尊一日坐次見一人昇猪過乃問這箇是甚麼云佛具  
一切智猪子也不識世尊云也須問過

明安云不因世尊問泊乎忘却 地藏恩云瞿曇老漢  
也是無端大似節自上強生節目忽若被一人呵呵太  
笑昇猪便行也是一場懨懨  
木庵頌首座頌云捨筏懷兼濟逢耕更問津却將未歸  
意說與欲行人

百丈海禪師因侍馬祖行次忽見一群野鴨飛過祖云是  
甚麼師云野鴨子祖云甚處去也師云飛過去祖遂把師  
鼻指師鼻痛失聲叫阿唧阿唧祖云又道飛過去元來只  
在這裏師直得浹背汗流因茲有省



汾陽昭頌云野鴨飛空却問僧要傳祖印付心燈應機  
 對付無移動纜掃綱宗道可增雪竇顯云野鴨子知  
 何許馬祖見來相共語話盡山雲海月情依然不會還  
 飛去欲飛去却把住道道佛眼遠云草裏尋常萬萬  
 千報云飛去豈徒然鼻頭是甚閑皮草十字縱橫一任  
 穿佛鑑勸云馬師憫汝無知識借來野鴨通消息直  
 得鼻頭鮮血流費盡老淚多少力智海清云師資閑  
 向草中行野鴨飛鳴意忽生鼻孔搥翻成底事新羅日  
 午打三更

中邑恩禪師因仰山問如何得見性去師云譬如一室有  
 六窓內有二獼猴外有獼猴從東邊喚猩猩獼猴即應如  
 是六窓俱喚俱應仰山禮謝起云適蒙和尚譬喻無不了

知更有一事只如內獼猴瞌睡外獼猴欲相見如何師下  
 繩牀執仰山手作舞云猩猩與汝相見了警如蟻蠅在  
 蚊子眼睫上作窠向十字街頭叫喚云了曠入稀相逢者  
少依傳燈添入

雲居錫云中邑當時不得仰山這一句語何處有中邑  
 也崇壽稠云還有人定得此道理麼若定不得只是  
 箇弄精魂脚手佛性義在甚麼處玄覺云若不是仰  
 山爭得見中邑且道甚麼處是仰山得見中邑處佛  
 鑑勸云仰山放憨中邑賣峭峭措賣來憨癡憨癡放來  
 峭措雖然獼猴睡著其奈肚裏惺惺直饒杜絕六窓猩  
 猩何處不見諸人要見二老請說麼各各面皮厚三寸  
 信相顯云諸人要見二老麼我也與你說箇譬喻中邑



天似箇金師仰山將一塊金來使金師酬價金師亦盡  
便相酬臨成交易賣金底更與貼秤金師雖然鬧喜心  
中未免偷疑何故若非細作定是賊賊  
南堂靜頌云仰山撥草瞻風中區拖泥帶水猢猻獨任  
室中俯仰低頭側耳六惣齊喚齊應仰山頓悟依禮禮  
拜狐疑未盡猶恐猢猻打睡中色把定猩猩相見是我  
是你 天童覺云凍眠雪屋歲摧頽窈窕羅門夜不開  
寒橋園林春變態春風吹起律箇火  
雪峯存禪師一日見猢猻乃指云道猢猻各各佩一面古  
鏡三聖問云歷劫無名何以彰為古鏡師云瑕也聖云  
一千五百人善知識話頭也不識師云老僧住持事繁  
雪竇顯云好與二十棒一棒也心不得直是罕遇其人

這棒放過也好免見將錯就錯 天童覺云當時若見  
雪峯道環生也但近前云諾諾且道何故如此垂之不  
足讓之有餘  
保寧勇頌云堪笑山翁不識羞為他頭上更安頭巖前  
跳躑無尋處一片殘霞曉未取 祖印明云大地為爐  
冶何年鼓鑄功圓同諸佛面高豈十方空 白楊順云  
盤覺未萌全體現繞分鑑照便成瑕要知瑩徹圓明處  
長短青黃總不差  
龍牙道禪師僧問二鼠侵藤時如何師云須有隱身處  
得云如何是隱身處師云還見禮家麼  
卍靈淳頌云寒月依依上遠峰平湖萬頃練光封漁歌  
驚起汀洲鷺飛出蘆花不見蹤



洛浦安禪師僧問一毫吞盡巨海於中更復何言師云家  
有白墨之圖必無如是之恠

保福展別云家無白澤之圖必無如是之恠

丹霞淳頌云巖前雖有雲千頃片內殊無半夜燈極目

危巒今古秀暮天斜照碧層層

保壽沼禪師問僧甚麼處來云西山來師云見獼猴麼云

見師云作甚麼伎倆云見某甲一箇伎倆也作不得師乃

打之

古德頌云舊人相見話中心借問西山路境深對衆直

言呈伎倆紅爐煅煉要真金

玄沙備禪師因參次聞鶯子聲乃云深談實相善說法要

便下座尋後有僧請益云某甲不會師云去無入信汝

東林顏岳太衆云玄沙恁麼道不是苦心人不知

古德頌云紫鸞飛來遶畫梁深談實相響琅琅千言萬

語無人會又逐流鶯過短牆

雲爾問僧江西湖南還聞長角鳥說禪麼僧云不聞師拈

拄杖云禪

古德云鴉鳴鴉鵲鳴天然自會不從人學跛脚阿師

放過一著拈起拄杖口邊吹管管猶勝鷓鴣啼三月提

壺沾美酒杜鵑相勉不如歸

投子溫禪師與僧遊山次僧見蟬殼遂問殼在這裏蟬向

甚麼處去師拈蟬殼就其耳畔搖三五下作蟬鳴聲其僧

有自禪師同  
南堂靜頌云輕薄寒蟬殼枯乾敗葉形拈來臨耳畔連



噪兩三聲

與陽洞禪師僧問，深場出海，乾坤靜觀，面相呈事，若何師云：妙趣鳥王當宇宙箇中，誰是出頭人？云：忽遇出頭時，又作麼生？師云：似鶻捉鳩，君不覺御樓前驗。始知真一，任麼則又手當曾退身。三步師云：須彌座下，烏龜子莫待重教點額痕。

天童覺頌云：絲綸降號，令分寰中。天子塞外將軍，不待雷驚出藝，那知風過行雲。機底聯綿兮，自有金針玉線。印前恢廓兮，元無真篆。龜文。

投子青禪師云：若論此事，如鸞鳳冲霄，不留其跡。羚羊掛角，那覓其蹤。金龍不守於寒潭，玉兔豈棲於蟾影。其或主賓若立，須威音路外，搖頭問答。言陳乃玄路，傍提為唱。

能如是猶在半途，更若凝眸，不勞相見。

丹霞淳頌云：水澄月滿，道人愁妙。盡無依類，莫收劫外。

正偏兼到路，不萌枝上辨春秋。

雲居舜禪師僧問：承師有言，不談玄，不說妙。去此二途，如何指示？師云：蝦蟇趕鷓子，云：全因此問。師云：老鼠弄猴條天衣，懷禪師示衆云：鴈過長空，影沈寒水。鴈無遺蹤之意，水無沈影之心。若能如是，方解向異類中行，不用續亮截。鶴笑嶽盈壑，放行也。百醜千拙，來也。擎拳奉拳用之，則敢與君主鬪，富不用都來，不直半分錢參。

古德頌云：寒鴻高貼冷雲飛，影落寒汀不自知。江水無清意，行於異類亦如斯。

正堂辯禪師室中問僧：蚯蚓為甚麼化為百合？乃自頌云：



住山身已老，世事任乖張。年來無待者，客到自燒香。

隱靜堂云：客舍并州已十霜，歸心日夜憶咸陽。無端更渡桑乾水，却望并州是故鄉。

更渡桑乾水，却望并州是故鄉。前寒衣不單，破衣木

娘與哥主，關富不用，將來不直，半令題卷。

釋林類聚卷第十一

水無成綠，心共誰成。長天難向異，中作不用。竟其蓬

天文對聯，昭示。東云：願此長空，得成寒木。願無憂，願六意

何於洛陽高臺寺。我語子云：全因此間，昭云：子肩表，辨紙

寬永八年辛未年

此書或與云：本卷我前，蘇人慈，愈盡，辨於，願其，不，長



